

सानसेयारि "बड'सा" खौरांलाइयाव
समाज्यादि जिज्जो लोब्बा थानाय रायथाय, सन्थाय,
सल, सल'बाथा आरु दावबायारि थावनि, पाके
बाइदिनि आयाव लिर्नाय लिर्बिदां दैथाय हरु।
सानसेयारि "बड'सा" खौरांलाइया सेबखानानि
फोसावगोन।

बड'सायाव लिर्हरनायनि हुबा खालाम,
"बड'सा" खौरांलाइया, जो बयबो आंगो खालाम।

सानसेयारि बड'सा मावखुलि

माइबं नोगार, जोहोलाव दैमालु लामा

कक्राझार, बिटिस-783370

Website: www.bodosanewspaper.com

सानसेयारि बड'सा



BODOSA ★ A Bodo News Daily ★ Friday ★ 6 November, 2020 Kokrajhar, BTC, Assam ★ Vol.- 30, Issue No. 220 ★ R.N.I.Regd.No.40994/91, AssamGovt.Regd.No.IPRD.40/2006/13, ★Rs.8/-

आजिरा लानाय एसिएस
मावख'गिरि अजित
ब्रह्मआ रुंसारि जाबाय



कक्राझार, 5 नभेम्बर: सासे
मख'जाथाव समाज सिबियारि
आरो आजिरा लानाय एसिए
मावख'गिरि (कक्राझार
जिल्लानि बारग' लोगो जिल्ला
बेंगिरि) अजित कुमार ब्रह्मआ
दिने बृहस्पतिवार फुडव वरपेटा
(□ 5 बिलाइआव)

अरांआव गिथावना
लामानि जाब्रथायाव
साथाम सुबुं जोखोम



अरां, 5 नभेम्बर: थानाय हरनि
समाव अराडव मोनसे गिथावना
लामानि सौरावनाय जाथाय
नुजाथिदों। अरांनि 15 नं
माहारियारि राजा लामायाव बे
सौरावनाय जाथाया
(□ 5 बिलाइआव)

बासुगावआव डु भुपेन हाजरिकानि
9 थि बोसोरारि थैनाय सान फालिदों

बासुगाव, 5 नभेम्बर:
राइज्योनाडे नो दिने फालिदों
मुंदांखा देखोगिरि, भारत रत्न
भुपेन हाजरिकानि 9 थि बोसोरारि
थैनाय सान। राइज्योनि गुबुन गुबुन
जायगाफोरजों लोगोसे चिरां
जिल्लानि बासुगावआवबो
हाजरिकानि थैनाय बोसोरारि
सानखौ दिने गोजोन हाबाफारि

लानानै फालिनाय जायो। फुनि
समाव बासुगाव गोजों
(□ 5 बिलाइआव)



चिरांनि ढालिगावआव ड्रागसजों
लोगोसे सानैखौ हमदों

चिरांनिफ्राय फाकन गयारि, 5
नभेम्बर: चिरां जिल्लायवा ड्रागस



फालांगि खालामनाय आरो
हमजानाय जाथाया गोदान बाथा
नंला। बुंनो थाडोब्ला दान
मोनफ्रोमबो चिरां जिल्लानि दाब
दाब जायगाफोराव पुलिस हान्जाया
सिग्रोमनायनि गेजेरजों ड्रागस जब
खालामनायाव जाफुंसार जानो
हाबोदों। दिनेबो चिरां पुलिस
हान्जाया मोनसे सिग्रे मनाय
हाबाफारि बान्जायनायनि गेजेरजों
ढालिगाव पुलिस थानानि सिडव
थानाय भेरबेरि लामानिफ्राय
(□ 5 बिलाइआव)

आसामाव कभिडनि सन्देनाय
सा 380 सुबुंफोरनि देहायाव
गोदान केस मोनबावदों

गुवाहाटी, 5 नभेम्बर: हादरनि
गेजेराव दासान्दि गिख'थाव
कभिड-19 नि गोसारनाय
थासारिखौ एसे दखलआव लानो
हानायजों दासान्दि गुबुन गुबुन
(□ 5 बिलाइआव)

गिबि मन्थि सर्बानन्द सनवालआ रुंसारि भुपेन
हाजरिकानि गोसोखांथियाव मान बाउदों

भुपेन हाजरिकाखौ लानानै असमीया हारिआ गोग्गानाय दं: सनवाल

दिसपुर, 5 नभेम्बर: भारत रत्न
भुपेन हाजरिकानि सोरजिलांनय
आरो बिहोमा होलांनया
समाजआव समान आरो बिदा-
फंबाय सानलायनायनि बिन्दोखौ
गोखौंसिन खालामदों। सासे गेदेमा
दे'खोगिरिनि माव बिबानआ
असमीया हारिखौ मुलुगनि
बिखायाव फसंथानो हानाया
(□ 5 बिलाइआव)



बाक्सा निकाशियाव इउ पि पि
एलनि बिसायख'थियारि मेल

बाक्सा, 5 नभेम्बर: दिनेसिम बि
टि सिनि ब्रैथि बिसायख'थिनि
अक्ट खौ फोसावनाय
जायाखैब्लाबो राजखान्थि
फोथाराव बिसायख'थिनि दुंहाव
बार बारासिनो थानायखौ नुनो
मोदों। बबेखानि बिसायख'थिखौ
लानानै बायदि राजखान्थि
हान्जाफोरनि गेजेराव हाबु
(□ 5 बिलाइआव)



आइन बेरेखायै लाखिनानै दोनाय पटका
गुदामआव चिरां पुलिसनि हसखाब संदान्नाय

बासुगाव, 5 नभेम्बर: कालिफुजा
दिवालीनि खाथि नोजोरावनो
बासुगावआव आइन बेरेखायै
दोन्थुमनाय पटका फालांगिनि

हेंथायै चिरां पुलिसआ संदानानै
थाना र'ड थुरिबार्नि रुपक चौधुरी
मुनि सासे पटका फालांगिनि
गुदामआव आइन बेरेखा
दोन्थुमनाय गोबां बिबांनि
पटकाफोरखौ जब खालामो।
पुलिसनि सुलुडा मिबथिहोनाय
बादिब्ला, दिने बेलासिनि मोनसे
समाव जर'खा सुलुखौ मोनानै
(□ 5 बिलाइआव)

बेसेन बांनयनि हेंथायै आमसुनि 2 घन्टा धर्ना



कक्राझार, 5 नभेम्बर: दासान्दि
मुवा-बेसादफोरनि बेसेना अर
जोंब्लानाय बादि बांसिनगसिनो
थानायनि जाहोनाव सरासन्सा
सुबुंफोरा जेनाजों मोगा-मोगि
जानानायखौ नोजोर बोनांनै
दासान्दि दुलाराय आसाम नाडेनो
सरकारनि हेंथायै बेसेन बांनयनि
(□ 5 बिलाइआव)

टलांनि पानेरिआव बिटिआर गरिया-
मरिया फरायसा आफादनि धर्ना

उदालगुरि, 5 नभेम्बर:
बिटिआरआव गरिया-मरिया देशि
जोगाखों गौथुम दाफुंनय आरो
हा मोन्थायखौ रैखा
खालामनायनि दाबियाव दिने
टलांनि साखाथि पानेरिआव
(□ 5 बिलाइआव)



चिरांनि काजलगावआव मुवा-बेसादनि बेसेन
बांनयनि हेंथायै आमसुआ सोमावसारदों



चिरांनिफ्राय फाकन गयारि, 5
नभेम्बर: आथिखालाव
सानफ्रोमबोनि थाखाय नख'राव
गोनां जानाय मुवा-बेसादफोर
आरो मेग-थाइगफोरनि बेसेना
गोखोडेबांसिनगसिनो थानायनि
जाहोनाव सरासन्सा सुबुंफोरा
(□ 5 बिलाइआव)

बाक्सा जिल्ला साहित्य सभाया भुपेन हाजरिकानि थैनाय सान फालिदों

बाक्सा, 5 नभेम्बर: बाक्सा जिल्लानि सिडव थानाय निकाशियाव
दिने सानसेनि हाबाफारिजों बाक्सा जिल्ला साहित्य सभानि
बान्जायनायाव आरो निकाशि दख'रा साहित्य सभानि जोहे रुंसारि डु
भुपेन हाजरिकानि 10 थि थैनाय सानखौ मेहेर गोनाडेफालियो। हाबाफारि
बादिये फुनि 8.00 रिगायाव साफाय अभियान, 8.30 रिगायाव आफादनि
फिरफिला दैखानाय, 8.45 रिगायाव सावगारि आखिनाय बादायनाय,
10.30 रिगायाव भुपेन्द्र मेथाइ रोजावनाय बादायलायनाय, बेलासि 1.00
रिगायाव गेवलां जथुम खुंनय जायो। (□ 5 बिलाइआव)



आइजो बिपिएफनि बान्जायनायाव खोला आप्लागाव गेलेग्रा फोथाराव आइजोफोरनि सुबुं गौमा
(9 नं बनरगाव बियावआव आंनि देरहानाया रोखा: राजिब)

कक्राझार, 5 नभेम्बर: ब्रैथि
बिटिसि बिसायख'थिया खुंजानो
खाथि नोजोरावनोसै। अदेवानि
बिटिसिनि कक्राझार, चिरां, बाक्सा
आरो उदालगुरि बेफोर मोनब्रै
जिल्लाफोराव मोन 40 बियाबनि
थाखाय गुबुन गुबुन राजखान्थि
हान्जाफोरा दासान्दि बिसायख'थि
फोसावदिनायखौ गोखौंसिनफ्राय
गोखौंसिन खालामनायखौ नुनो
मोन्नायजों दासान्दि बिटिसि
(□ 5 बिलाइआव)



खैराबारि बियावआव इउपिएल दोलोनि गिदिर हान्जा सुरनाय

गेनाखाथिजों लोब्बा थानाय बिपिएफ दोलोखौ बोखारनो रडुजो-राजाफोरा थियारि

उदालगुरि, 5 नभेम्बर: उदालगुरि
जिल्लानि खैराबारि परिषद
बियावआव दिने इउपिएल
दोलोनि मोनसे गिदिर हान्जा
सुरनाय ओंखारदों। खैराबारि ब्लक
इउपिएलनि बान्जायनायाव
आरो गपसासुबा प्राइमरि
इउपिएलनि हेफाजावआव
ओंखारनाय बे हान्जा सुरनायाव

400 निबो बांसिन इउपिएल
दोलोनि दैदेनगिरि आरो
मावफारियाफोरा बाहागो लानानै
बिटिआरखौ सोलायनाय
(□ 5 बिलाइआव)

लाबोनायनि स्लगानजों
ओन्सोलेखौ गोमसार होयो। बे
हान्जा सुरनायाव बाहागो लानानै
(□ 5 बिलाइआव)

बड'लेण्ड कर्मसारि गौथुमनि
भेरागाव जिल्ला आफाद दाफुंदों



उदालगुरि, 5 नभेम्बर: दिने
उदालगुरि जिल्लानि भेरागावआव
थानाय महकुमा बेंगिरि मावख'नि
जथुमग्रा खथायाव बड'लेण्ड
(□ 5 बिलाइआव)

कर्मसारि गौथुमनि भेरागाव जिल्ला
आफाद दाफुंनयनि थांखिजों
मोनसे गेवलां मेल खुंनय जायो।
(□ 5 बिलाइआव)

बासा' गिबि मन्थि तरुन गौनि देहा हालोदिनि सायाव खौरां लादों गिबि मन्थि सनवालआ

दिसपुर, 5 नभेम्बर: गिबि मन्थि सर्बानन्द
सनवालआ दिने गुवाहाटी मेडिकल कलेज देहा
फाहामसालिआव दासान्दि फाहामथाय लाबाय
थानाय बारग' गिबि मन्थि तरुन गौखौ लोगो
हमनांनि बिनि देहा हालोदिनि सायाव खौरां लायो।
गिबि मन्थिआ (□ 5 बिलाइआव)



Bodoland University
Kokrajhar, BTC (Assam)
Notice No BU/EO/Estt/CVR & 0/2020/10/1813, dated : 04/11/2020
NOTICE
Applications are invited from the interested parties (persons/vendors/
proprietor) to run stationeries, groceries, vegetable shops, hotel and cos-
metic shops in the University market on trial basis with free of rent. However
the parties have to pay the charges of electricity bill and maintenance fees on
monthly basis.
Application with full address and contact number must reach to Estate
Officer, BU on or before 16-11-2020.
Sd/-
Registrar
Bodoland University

चभ 'लिन
एन्टिसेप्टिक क्रीम
आरो
इमलियेन्ट
आरो गोजों आरो गुरे बिगुनि थाखाय

सुजुगिरिनि खोलोम

ईशोरखौं जाय जैरै फोथायो एरैनो सिबियो सुबुं माहारीया

धोरोमनि बेलायाव बयहाबो उदां सानसि लानानै गावबा-गावनि नेम खान्थिजौं फालिनाय एबा सिबिनाया जेबो बेरैखा खालामनांगीनि बाश्ना गैया। जाय जेखौं फोथायदौं बेवहायने सैथोखौं मोनदौं। मुलुगआव ईशोरखौं जाय जैरैखि मुं दोनानै गावब्रिया मानो थॉजोडै-एबा खेंसालियायै लामाया जैरैखि थाड मानो सौहैनाय थॉखिया हलेबा मेनसेआनो। बेनिखायनो जायखि जिखि लामाजौं हान्थिनानै ईशोरखौं नागिरामानो मोनहैगोन जायगाया मोनसेआनो।

धोरोमनि बाश्नाया रावबो-रावखौबो थॉखिनानै एबा मुं सुनानै दुसिलायनायनि बाश्ना नडा। धोरोमा गावबा-गावनि जिउनि थाखायसो, गुबुननि थाखाय नडा। गावनि जिउखानाय आरो गोजोन सोलेरनि थाखायसो सुबुडा धोरोमखौं बोज'बो। गुबुननि थाखाय धोरोमखौं सरजानानै समाजनि बेले बेजे लाबोनो धोरोमआरी सुबुंफोरनि गेजेराव आधिखाल मुगानि नोम खान्थिआ दिने गावबा-गाव जिउनि गोजोन सोलेरनि थाखाय आजावनाय धोरोमखौं गुबुंले खालामनो नाजानायखौं नुनो मोनसै। जायनि बिजाउनाव दिने धोरोमारी दावहा नांनया आरो गावबा गावनि धोरोमखौं गुबुननिफ्राय गोर्जोसिन थाखोआव दोनो-जाहिर खालामनाय गोबां बिदिन्थि दसै। बेबादिनो धोरोमनि मुडाव गुबुनखौं सुमिनया, धोरोमनि मुडाव इनाय अनागारी हाबा मावनाय, धोरोमनि अस्मिलायै समाजआव फागय लाबोनाय आरो गुबुंले थसारी सोमजिहोनाया खायफानि थाखाय एंगारनो हायै हुदा बाइदिसो जालांबाय होनब्ला नखाय होनाय जाया।

बे बाश्नायावनो रायखंडेरफानो हायो - बर'फोरनि धोरोम सिबिनाय, धोरोमनि बिथा सोरजिनाय, गुबुन माहारीनि धोरोमखौं गोरलैयैनो आजावनाय आरो मोनफा धोरोमखौंनो बाइदि नेम खान्थि बाहायनानै सोलिनाया आधिखाल बर' समाजाव हेब्रे-माब्रे दसै। जैरै- बाथी धोरोमानो- बुलि बाथी, बिबार बाथी, मनि बाथी आरो बाइदि बाइदि। शिव नारायण परमहंसनिफ्राय गुरुदेव कालिचरण ब्रह्मआ ब्रह्म धोरोमखौं गोदान गोदान नेम खान्थिजौं गोरौबै ब्रह्म धोरोम फालिनायखौंबो नुनो मोनो। धोरोमनि बोसोन आरो धोरोमनि ज्ञान सोलेंथायफ्राव मा दं मा गैया बेफोरखौं बुडाब्लाबो जासै। बुंनंगौं बाश्नाया बेसो- बर' माहारीनि गेजेराव दिने शंकरि, शतसंगि, मुडलिम, खूटियान, बौध्द', सनार्थन, शिख आरो गोबां मख'श्र'हायै धोरोमफ्राव हाबनानै थानायखौं नुनो मोनसै। नाथाय गुबुन गुबुन हारिफ्रा बे रोखोमनि धोरोम आजावद्लाबानानै बर'फोरखौं फेजेनो हायाखै। बे नोजरै बिजिरनो थाडेब्ला रोखायै बुनो हायोदि- बर'फोरखौं धोरोमनि गेजेरजौं खोसैथियाव लाबोनो हानाया नखायसै। अब्ला बुंनंगौं थाहैबाय जाइखि जिखि धोरोमखौं आजावआ मानो बर' माहारीखौं गोखौं आरो गेरमसा माहारी दानायनि बेलायाव जौं बयबो खोसैयै आखाय हमलायनो हायो।

दिनेनि फानजामुधि

राशि बाइदियै मुंनि गिबि हांखो

मेष : अ ल	वृष : ऊ ब (उ ए इ)	मिथुन : क छ (ङ ख)
कर्कट : ड ह	सिंह : म ट	कन्या : प ठ (ण ष)
तुला : त र	वृश्चिक : ब न	धनु : ध भ (ढ फ)
मकर : ख ज	कुम्भ : ग श (स)	मीन : द च (ख ञ झ)

मेष: बायदिसिना जाथायफोरखौं लानानै जिंगा सिनो हागौं। जिंगा सिनायजौंनो समखौं बारहोनांगोन।

वृष: जेखि मावा मुलाम्फा मोन्यायनि आशा दड। जैरैबो नाजानांगोन। फारफ्रोमआवबो मोजां।

मिथुन: दिनेनि दिनआव खस्ट सैनानो हागौं। जेखि जाया मानो गोसो हमथानानै थानांगोन।

कर्कट: सोरजौंबा बायदिसिना होनानै निन्दा होजानो हागौं। गोसोआव दुखु मोन्याय फैनो हागौं।

सिंह: मानिबा जाहोनाव रां खरसा खालामनानो हागौं। आखायाव थानाय रांआ जोवसानो हागौं।

कन्या: जैरैबो सांग्रां जानानै थानाया गाहाम। जैना-जँसिफ्राव गोल्नौनो हागौं। गात्रि सान।

तुला: जैना-जँसि थानायफ्रा जोवसानाया नडा। जैरैबो सान्थि मोनै मोनो हागौं। धैज्य हमनानै था।

वृश्चिक: फालांगिरि मावग्रानि थाखाय गाहाम सान रांखावरि आय खालामनो हागोन। मोजां सान।

धनु: माबा मोनसे मुवा-बेसाद मोनो हागौं। गोजोन्याय मोनो हागोन। फारफ्रोमथिंबो मोजां।

मकर: माबाफेर मुवा-बेसादिनि खहा जानो हागौं। जेखि मावा सांग्राडै मावनंगोन। नोजोर लाखिनंगोन।

कुम्भ: जैना-जँसिजौंनो समखौं बार' होनांनो हागौं। गोसोखौं गोजोन्याय मोनै मोनगोन।

मीन: नखर संसाराव गोजोन्याय गैयै सोमजिनो हागौं। जेखि जाया गोसो हमथानानै थानांगोन।

गोगो आबहावा लाखिनायाव फरायसानि

मुद्रि रिनदाव बसुमतारी जौं बयबो फरायसाफोरा

मिथिगौदि हा, दै, बार (Soil, Water, Wind) आरो बेयाव थानाय गासै बिफां-लाइफं आरो जिब-जुनात (plant and animal) सान्दु, अखा (Sun-shine, rain) या जौंनि आबहावा (Environment) खौं दादौं। मानसिया बानायनाय न' बां उद्यग (industry) नोगोर-नोगोरमा (Town-city) लामा-सामा बेफोरबो आबहावा (Environment) निनो गासिबो बाहागो। बिफां-लाइफं (Plant) हा, दै, जिब-जुनात (Soil, Water, Animals) बायदि बायदि जिबफोर थयायोमोन्ब्ला जौं थानानै थानो हानाय नडमोन। गात्रि जानाय आबहावा (Environmental Pollution) या मानसि बिफां-लाइफं आरो जिब-जुनात (Plant and Animal) साबजायै जायो। आलो गोजोन आरो गाहाम देहा लाखिनो थाखाय जौनो मोनसे गाहाम बारहावा (Clean Climate) नांगौं। बेमार गैयाजासे जौं जौंनि देहाखौं लाखिनो जेब्लाबो सांग्रां जानांगौं।

जौंनि फरायसालि, गोजौसिन फरायसालि (School College) आरो न'नि खाथि खाला गात्रि मुवा- खि, हासुदे, गोबेर-दाखोर गोलैहोनानै थाहोना नडा। जेराव मेरावनो हागादे, मुजुदौं गारनो नडा। हासुग्रा खिग्रानि थाखाय हासुग्रा आरो खिग्रान' (Urinal and Latrin) बानायनानै लानांगौं। फरायसालियाव जौं फरायसा फरायसुलिफोरा सानफ्रोमबो लेखा सोलौहैनानै गियान लाबोयो। बेनिखायनो फरायसालि (School or College) खौं जेब्लाबो साखोन सिखोन (Clean) खालामनानै लाखिनगौं। फरायसालि एबा न'फोरनि मैला-दाखोरखौं गारनो थाखाय मोनसे थि जायगायाव हाखर जावनानै लानांगौं। बेफोरनिफ्राय सांग्रां जायाब्ला बेमारनि बिजानु, बेक्टेरिया (Bacteria) फोरा गाग्लोबनानै नाखेबनोबो हागौं। बैफोर दाखोर आरिखौं जावनाय हाखराव फबनांगौं। बैफोर दाखोर दाला गोबोरा सेवनानै मोनसे मोजां बानायनाय हासार जायो। बै हासारखौं जौं फरायसालिनि बिबार गायनाय आरो न'फोरनि आबाद थिलियावबो बाहायनो हायो।

दानिया जौं आबहावा बार गिज्रा (Environmental air pollution) जानायनि सोमोन्दै सावरयनि आरो बे गिज्राखौं मा राहाजौं होवथानो हायो बेनि बागै।

आबहावानि बार गिज्रा जानायः (Environmental o Air Pollution) :-खैला, पेट्रिलियम (Burn-to injure by fire coal, petroleum) बायदि खामग्रा बेसादफोरखौं सावनानै बार गिज्रा (Air Pollution) जायो होनानै जौं बयबो फरायसाफोरानो मिथिगौं। दानि मुगानि गेदेर-गेदेर उद्यग (Industry) फोर जैरै-मोल्लब गोहो दैथायग्रा (Electrical power supply) थाव सोदांसाली (Oil Refinery) प्लास्टिक कारखाना (Plastic Industry) इस्पट, रासायनारी हासार उद्यग (Chemical) फोरनिफ्राय सोमजिनाय गिखंथाव बिष गोनां गेज हाड्रि-हाला, गुन्द्रा खफ' उखुन्दै (Smoke, Gas) हाथ' फ्ला, हांगार (Ash, Charcoal) बेफोरनिफ्राय बार मण्डल (Atmosphere) आव गिज्रा जायो आरो Air pollution आ बारायबोयो। बेफोरनो गोबां खहा लाबोगासिनो दं। गासिबो जिउआरीफोरनि हँथा सोमजिगासिनो दं। बेफोर उद्यग (Industry) फोरनिफ्राय सोमजिनाय माखासे बिष गोनां गेस जैरै:- कार्बन डाइ अक्साइड (Carbon dioxide) गन्थक (Sulphur) नाइट्र'जेन (Nitrogen) कार्बन मन' अक्साइड (Carbon monoxide) हाइड्र'जेन सालपार (Hydrogen Sulphur) नाइट्र'जेन अक्साइड (Nitrogen Oxide) बाइसेफ्रा। बेफोर गिखंथाव बिष गोनां गेस हाड्रि-हालानि गुन्द्रा खफ' आरिखौं खारहोनो थाखाय माखासे पिलटर आरो गुबुन जन्थ्र (Machine) दिहुनाय फरायसाफोरा नुनो मोन्दौं आरो मिथिनो हादौं। उद्यग (Industry) फोरनि हाथ' फ्ला आरो उखुन्दै गेस (Ash, Smoke, Gas) आंखारग्रा सिमनिफोरखौं बांसिन गोजू गोर्जौंसिनै खालामनोबो बार गिज्रा (Air Pollution) जानायखौं खमाय होनो हायो होनानै जौं फरायसालिफोरा मिथिगौं।

उद्यग एबा कारखानानि खाथि खाला एबा नोगोर-नोगोरमा (Town City) फोरनि गेजेराव जौं फरायसाफोरा गोबां गोबाडै बिफां-लाइफं (Plants) गायनायनि एबा फोरैंगिरि (Teachers) फोरनि हेफजाबजौं हाग्रांमा बिफाननि मावखुलिनि सोद्रींमा (Member, one of a Organization) फोरजौं सावरायज्जायनानै बिफां गायनायनि राहा-लामा लानानै बिफां-लाइफांफोरखौं गायनांगौं। बै बायदि गायोब्लानो बिफांफोरा बारनि कार्बन डाइ अक्साइड (Carbon dioxide) बिबांखौं खमाय होनानै अक्सिजेन (Oxygen) नि बिबांखौं बारायहोयो आरो बारमण्डल (Atmosphere) आव बार गिज्रा (Air Pollution) जानायखौं खमायहोयो। दंफां बिलाइ (Leaf) फोरा बाराव थानाय हाड्रि हालानि गुन्द्राखौं हमथानानै लाखियो आरो बार गिज्रा (Air Pollution) खौं गोगो गोथारै हमथाना लाखियो।

गोरलैयै सेवनानै थाडै मुवा-बेसादफोरखौं जौं बयबो आरैनो गारनो नाड आरो सोरखौंबाफोर आरैनो जानला मोनला गोनांथि गैयै (Un Necessary) गारनाय नुयोब्ला जौं बयबो फरायसाफोरा बादा होनांगौं। बेनिफ्राय मा सोमजिनो हागौं बेखौं मोजाडै बेखेवनानै बुजायना होनांगौं। मानोना बेफोर सांग्रांथिखौं लानानैबो आबहावानि बार गिज्रा (Environmental Pollution) जानायखौं होवथानो हायो। बेफोर गोरलैयै सेवनानै थाडैमुवाफोरानो जाबाय:- प्लास्टिक (Plastic) नाइलन (Nylon) टिन (Tin) फोरानो मख'जाथावसिन।

नोगोर-नोगोरमा (Town-city) नि खि, हासुदौं थैनाय (End of life) जिब-जुनातनि सह'फोरखौं जैरैनो मेरैनो (Un Necessary) गारोब्ला बेफोर सेव'लुनाय बेफोरनिफ्राय कार्बन डाइ अक्साइड गेस (Carbon dioxide gas) एम'निया (Ammonia) हाइड्र'जेन सालपाइड (Hydrogen Sulphur)कार्बन मन' अक्साइड (Carbon monoxide) बायदि गेसाव गोफोनो मोनामफुनाय गोनां गेस आरो बिष गोनां भाइराजफोरा सोमजिखानानै आबहावाखौं गुबुंले (Environmental Pollution) खालामो। बाराव बेफोर बिष गोनां गेसआ बारा जायोब्ला लाइफां आरो जिब-जुनात (Plant and animal) नि जिउ खहा खालामो। दंफां, खैला, पेट्रिलियम आरि बेसादफोरखौं सावोब्ला (Burning Coal free and petrol) बारमण्डल (Atmosphere) आव अक्सिजेन (Oxygen) नि बिबाड खमायलाडो आरो गुबुन गेस (सिगाडवनो फोरमाय बोखानाय बिष थानाय गेस) कार्बनडाइ अक्साइड (Carbon dioxide) सालपारडाइ अक्साइड (Sulphur dioxide) कार्बन मन' अक्साइड (Carbon monoxide) नाइट्र'डे अक्साइड (Nitride oxide) बायदि गेस सोमजिनायाव आबहावाआ गिज्रा जायो आरो बार मण्डालाव बिष गोनां गेसआ बारायो। बियो बुहुम बिखुं नि बिदुं गोसारायखौं मैथोमैनो हँथा होयो। बेनि जाहोनाव बुहुम बिखुंनि बिदुंआबो बारायलांबाय थायो। बुहुम बिखुंनि बिदुंआ बे बायदि बाराय लांबाय थायोब्ला गासैबो जिउआरी फोरनि थाखाय थाना थानायाव सहायथावै हँ था सोमजियो। बेनि जाहोनाव गासैबो जिउआरीफोरानो बे बुहुमनिफ्राय गोमा लांजोबनोबो हागौं।

बेफोर गिखंथाव खैफोदिनफ्राय बारग'नो जौं बयबो फरायसाफोरा बिफांफोरखौं गायनांगौं, गायनो बानो नाड आरो फरायसाफोरा माखासे बेफोरनि बागै मिथिनो रोडै मानसिफोरनि सिगाडव मोजाडै बिफां-लाइफां गायब्ला मा जायो? बेखौं बुजायनानै होनांगौं आरो बिफांखौं गायनो थिन्नांगौं। दानि मुगायाव बिफांफोरखौं सरकारनिफ्रायनो एसेल' रंजौनो मोनो। बेनिखायनो जौं फरायसा आरो गुबुन मानसिफोरा बिफां लाइफांफोरखौं गायआ होनानै थानो नाड। थायोब्ला गाव गावनिनो सुफु'ख'नो हायै खहा...खहा...खहा। बेनिखायनो जौं बयबो फरायसा फोरा बिफां लाइफांखौं आरो गुबुन मानसिफोरखौंबो गायनो थिन्नांगौं। गासैबो गोथां बिफां लाइफांफोरानो कार्बन डाइ अक्साइड बोनानै लायो आरो अक्सिजेन हगारहरो। बिफां लाइफाडसो अक्सिजेन हगारहरो। बिफां गायब्ला अक्सिजेनआ मानिफ्राय फैलायखो?? बिफां लाइफांआसो जौंखौं फोथाना लाखिगासिनो दं। बेनिखायनो बिफां लाइफांफोरखौं अना खाना दानफायनो नाड। फांसे बिफां दानफायफलाडोब्ला जोथोने फांनै बिफां गायफिन। बिफां लाइफां गायोब्लासो जौं बेनिफ्राय गोबां बिबानि अक्सिजेन मोनो हागोन। फरायनायजौं लोगोसे जौं बयबो फरायसाफोरा बिफां लाइफां गायनायखौं मोनसे गोनां खालामनानै बिफांफोरखौं गायबाय थायोब्लानो जौं आबहावाखौं गोगो गोथार, मैला गैयै खालामनानै लाखिनो हागोन। अब्लासो सुबुं माहारी, जिउआरीफोरा गाहाम आबहावा आरो गाहाम बारमण्डलआव सुबु गोजोन आलो आलो थानो हागोन। बिफां-लाइफां थायोब्लासो सुबुं माहारीआबो थानानै थगोन। बेनो जौं बयबो फरायसाफोरनि गोरबोनि एंगार थावनो हायै राव आरो मावनो गोनां बिबान।

सुंद 'सल'

सैतक बरकसारी

सिमांनि सावगारि

फारै जरसे नायगिरि नांगौमोनहाय! माबा दा सान्दै गात्रि गात्रि सिमां नुगासिनो दंथारो आं.....। आखाय हांग्रां हांग्रां बिसाय सानारामखौं थाखिनानै बुडे सुमायथिया।

पुस दानि फुंबलि। गोजानाय बोथोर। सोरगिदि खुवाजौं फुहुन। लेब थसक जोमनानैबो गोजानाय मोनैनि बिजि सुमायथिखौं बायजोनि अगदाबाव अर जरायहोदौं बिसाय सनारामा। सिगारेत गंसे लगयनानै बोहाबदौं। स' स' उखुन्दै नागर हरनानै माबा सानहाबदौं।

बिसायनि खुगानिफ्राय जेबो फिन आंखारै नुनानै बाश्नाखौं जुरि फिन्दौं गावनो सिमां नुथारदौंनो आं! माबा न'नि मोसौ दामब्रया जि दौं दौं होसोखो! हाखु-दाखु न' सिडव हाबनो होनानै खारनाया दरजायाव सौदावनानै ज्राम गोल्लैब्लासो सिरि मोनगारनयासै।

दुखु मोनारिखसै? एदावनाय गारडै सोडो सनारामा। सिमाडव गोल्नैनायानो दुखु मोनबाय जावलिथा। बाश्नाखौं बुंनानै ब्लाव ब्लाव जौंगारनाय वनखौं थनैसो बख'नानै खोमोरनो नाजायो सुमायथिया।

बे समावनो रुवाथि थबसिया साहा होफैयो सानैनोबो। थबसिनि मोखडाव मोनथिसलाबा जासे थाडे सनारामनि मेगना। दुंबुर साहाखौं गरतसे सुरोबखोनानै मैया फरायसालिनिफ्राय फैनानै न' सिडव जि जोम गानसालयनाय समाव लोगोफ्रा थबसिखौं बुंनया बाश्नाखौंनो गोसो खंदौं सनारामा। बुंदौं लोगोफ्रा थबसिखौं बे पुस दानि सुग्रि बाग्नि गोजानाय बोथोराव बा भारै हावा मावनानगौं जाखो? बे समावनो नोहा मास्तार बाबुनाव सुयेथार गांसे बिहरना लानो हाया होम्बा?! बिहरब्लानो लाबोगोन बियो। मालाय नोंम्रा मास्तारआ दस्रा बायदि नंखाया।

सनारामखौं बिसोर नुनाय ना नुयै बेखौं मोनथिला। सनारामनि गुजु प्रेमनायखौं खोनानानै बिसोर नाथाय फोरसा फोरसि थंदौं।

सनाराम मास्तारा गुबुन बायदि नंगौना नडा बेखौं मोनथिस' हालिया। बाश्नाखौं नाथाय सनारामा सानो गावबो। हर ससेनिफ्राय सिखारनानै दुमा दुम माय सौनांगौं। सोरानायनि सिगांडावनो सिथला सिबनाय साहा फुं'दुनाय कमप्लित जाजोबनांगौं। बेनिफ्राय आंखाम संनाय दुगौनो दै फुं'दुनाय बिफोरखौं मावनानगौं बिबाना रुवाथि थबसिनि फाप्लियावनो। बिफां बिलाय सिरि होलायनाय गोजानायाव गुदु जि मोदोमाव गांसे गैयाब्ला रुवाथि मालायनो मोजां मोनगोन होमब्ला? खामानि मावनो आख' फाख' जाया होमब्ला! सनानै गावनो गाव एसे दुखु मोनो मास्तार बाबुवा।

बिसि सुमायथिनि आखालाव सनाराम बाबुनि अनसुला गोसोया थावरिनो हायाखै नाथाय! खारखोमा हैनांदौं बहाबा। दाखालै बिसिनि हँथाखौं मानिया बालानो रुवाथिथबसिनो हावाय सेन्देल जरसे होफैनायनि थाखायनो जा बायदि जालांबाय! मालायबा मालाय रुवाथि थबसियासो गन्थ हासनया बायदि मोनलाय थारदौं लाजिनाया। मास्तार सनारामा सानसनो हाया-सोदोमस्त्रिनि बारमोन्याय सुमायथि मोनबायदिनि गोसोया मानो एफा सुंथाव (?)। सानबा सानानै मोथो मोथो रागा जौंखं गारदौं सनारामा। गोमजोर गाराडै बुडे बियो बिसिखौं फारौ सारौ आं मोनथिया। अखा नायब्लाथाय नोहा मोदाय दावदायानोसै। संसाराव नोंसोर हिन्जावफोरखौल' सौनो होसोयो नामा- सिमाडव। गुबुन बांगाल जंगल फोरखौलाय माथो सान्थि बाथिनो सौखेबनाय नुयो आंलाय। आरो माथो जेबो जाया। सिमांखौं गिनानै हाखु दाखु फारौ नायगिरनानै साय सालामि होनांगौं जाबाय आं। बेहालागै सोलाबाखै। मा खालामो हारसिनो खालामबाय थानो। फारौ नांगौ ना अजा नांगौ आनि सिगाडव दाबुंथार।

बाश्नाखौं साहा लोखानाय गिलास लानो फैनाय थबसिया खोनानानै बाग्दाव खंदौं। गिलुं गिलुं गिलास गनैखौं ट्रेयाव दैखानानै मिज्तौ नायहरदौं। मोनथि सवा थबसिया, मा जाहैगोन!

बे समाव बिसि सुमायथिया बिसांयाव सिखारनानै बिमाखौं गाबत्रि गाबत्रि गावनो हमना। फिसाज्ला उदंखौं लायनो थंदौं। फिसाजो गेदेरा थबसिया साहा फुं'दुनो इंसियाव अर जरायनायनिफ्रायनो अगदाब सेराव जफनानै अर सायफा गसिनो। दुगौनो दै दुंसान्दै मैगं थायगं, आबाद फोथाराव थाबायगलानाय हुदाया सनारामनि। बाश्नाखौं सनारामा दासो गोथौवै साननो खाबु मोनसिन्दौं।

दा सान्दैदै बिसि सुमायथिया गात्रि गात्रि सिमांनुखागोन बेखौं मोनथि खगौं सनारामा। बाराखौं मा बुंनो गात्रि सिमांखौं नुदौं सनारामा गावबो। थाबैनो बेनि मोजां लामा लायाब्लादि बे खेबाव माबा मेनसे खहा जानो हागौं बेखौंबो सानखदौं सनारामा। थार बाश्नाखौं बुंनो थाडे सनारामा फोलादौं बिसिखौं। आं नड दे'निफाव लादौं। दुगैयै दोलौयै जायै लोडै फरायसालियाव थानो आंखारबाय सनारामा। गोसोयाव गैया नाथाय गोजोनन्याय। बेरैफुजानि फारौनायगिरनो थिन्नायनिफ्रायनो दुंबुलुब दुंसु खें खें मोनगासिनो। रुवाथि थबसि होफैनाय गय खान्दिसेखौं खुगायाव सोब्रनानै आगान फोलावहां जाल्लानो थबसिया लाजिस्तु गिस्तुयै बुडे दालाय माथो खालाम बावनानगौं जाखो आदा?

- माखौं मा खालामनानगौं जाखो? मोनथिया खा खेंसालियै सोडो सनारामा। - दहाय बाजे बुंनाया। - बेखौंनोथ' सान्दौं आंबो। नों जिंगा दासि। नोंखौं खैफोताव खोख्लैया आं। नोंसा माहाजोना मालाय बायदि नडा होनानै मिनिस्तु जानानै आंखारो फरायसालि फारसे।

सनारामा आगान फोलावहां जाल्लानो नुवाय बिसि सुमायथिआ एसेयावनो बहानिफ्रायबा फारौ जरसे लानानै हाजिर। सनारामा बिसिखौं मा बुंनाया गाहाम जागोन रावखौंनो नायगिरना मोनाखै। थोथोर बोथोर बेखौल' बुडे- हा मानोथो एसेवां हाखा दावरा खालामनो सानखो? बे बाराव फारौ लजौं जागोन सान्दौं नों!?

सिबाय सुमायथि! जि बुजि नांगौं बुजिबाय बिसायनि फंसे रावनिफ्रायनो। सिला गेजेरावनो दोम गंसनानै थाबाय बियो। मेगनाव मोदौं ज्राम ज्राम। बिरद' बिरद' माब्लाबा न'मा न'नि खामसालि मोनहैबाय। बिखुंयाव बाजानाय फिसाज्जलाया फारौ हमनो दाखुराय बायबाय। फिसायनि फारसे नायहरबाय बियो- फिसाया नाथाय लुं लुं माल्लाबा गोजान मोनहैबाय। सुमायथिनि खुगायाव रिखानो हमबाय बैथालि -बैथालाया।

फरायसालियाव थानानै उस खुथुसो मोनहै सिन्दौं सनारामा? गमा मायैनो सानजौंफुनि जिने बुलिसेयावनो फरायसालि नागरनानै न' फारसे हाखु दाखु आगान होफिनदौं सनाराम बाबुआ। गोसोयाव मोनसेल' जिंगा थबसिखौं न'याव मोनहैगोन ना मोनहैया (?)। सुमायथिया गथ गथाय लानानै आलासि जाहै दौंमोन थानाय रास फुजानि समाव। बिमा बिफानि न'याव। सनारामा बिसिखौं गावनो मथर स्टेण्डसिम दोना फेदौं। न'याव फैनानै रुवाथि थबसिखौं बिजि बा.दि बाहा.फेदौं- सनारामा....। दुगौंनो दै खावहोदौं। दुगौंरा खथायाव लांहोदौं। थबसिया जि थिन्दौं बेखौंनो मावलांदोल'। रुवाथि बादिदियैनो। दुगौंरा खथानि दरजाखौं फांथेनानै दानाय बिलिरनाय जिनिर हुहोदौं थबसिखौं। हौवाफोरनि मोदोम दांफेरनो मोनै थबसिनि थैया इलेक्ट्रिक दाहार बोहैनाय बायदि बोहैदौं। मोनसे समाव सानैबो बेसेवां बा गोबाव सिरि.....। रावगैया सोदोब गैया। 'या नाथाय बेयावनो जोबाखै। थेबबो सुमायथिया गात्रि गात्रि सिमां नुनायनि जाहोना बेखिनियावनो थोजासे जेब्ला सल'खौं बेयावनो दोनथ'ना जाबाय।

आथिखालाव आसाम आरो मिजरामनि सिमनायाव मिरुआरि सान्थि हान्जा थिसनसिगोन

गोदान दिल्ली, 5 नभेम्बर: आसामनि गहाय सेक्रेटारि जिष्णु बरुवाआ थांनाय बुधवारखालि बुडोदि, मोनैबो बाहागोनि गेजेराव दावराव दावसिखो खम खालामनो थाखाय थाबैनो आसाम आरो मिजराम सिमनायाव मिरुआरि रैखाथि हान्जाखौ थिसनो हासिगो। थांनाय दाननिफ्रायनो 164 कि.मि: नि सिमना ओन्सोलआ दावराव-दावसियाव गोवैलानै दड। अदेबानि हिंसायारि जाथायखौ लानानै दरनैबो राइज्योनि सोमोन्दोआ गात्रि जानो हमबाय आरो हिंसायारि जाथायफोराव दरनैबो राइज्योनि सान्थिफोरा जोखोम जादोमोन। आसामनि बायदिब्ला, मिजरामनि रैखाथि मावसुमाफोरा बिसोरनि ओन्सोलनि माखासे



बाहागोफोरखौ गागलोबदो आरो मिजरामआ बे ओन्सोलआ गावसोरनिनो होन्नानै फोरसायो। बेनि गेजेरजो आसाम सरकारनि गहाय सेक्रेटारि जिष्णु बरुवाआ बुडोदि, भारत सरकारा बे ओन्सोलाव मिरुआरि रैखाथि हान्जाखौ थिसनसिगोन होन्नानै

खौरां होदो। मख'नो गोनांदि, आसाम आरो मिजरामनि सुबुंफोरनि गेजेराव हिंसायारि जाथाय जादोमोन, जेराव माखासे सुबुंफोरा जोखोम जादोमोन। बे जाथाय जानाय समाव दकानफोराव अर

सावदोमोन। आसामनि गिबि मन्थि सर्बानन्द सनवालआ थांनाय रबिबार खालि गासै केसखौ गहाय मन्थि मावख' आरो मिरुआरि नख'र बिफाननो मिथि होदोमोन। सुलुडाव फोरमायनाय बायदिब्ला, आथिखालाव थासारिया सामलाय जाबाय। बे हिंसायारि जाथायजो गोहोम गोवैलनाय

ओन्सोलाव मिजरामनि वेंरंगे गामि आरो आसामनि लेलापुरआ दफायो। मिजराम सरकारा हिंसायारि गोहोम गोवैलनाय ओन्सोलफोराव भारतीय रिजार्भ वाहिनीखौ थिसनबाय। बे केसखौ बोसांनो थाखाय मिरुआरि नख'र सेक्रेटारि अजय कु मार भाल्लानि सामलायनायाव दरनै राइज्योजो लोमोसे फेगो समबाखालि मोनसे जथुम्मा खालामगोन। बेनि गेजेरजो मिजरामनि नख'र मन्थि राइज्योनि गहाय सेक्रेटारिफोरा बाहागो लागोन। बेग फारसे आसामनि गिबि मन्थि सनवालआ फनआव मिजरामनि गिबि मन्थिजो सावरायनानै केसखौ बोसांनयनि सायाव बोलो होयो। मिजरामनि गिबि मन्थि जरम थांगाआबो सनवालनो गोजोन लाबोनो खोथा होयो।

मधेपुरा (बिहार), 5 नभेम्बर : कंग्रेसनि बारग' आफादिगिरि राहुल गान्धीआ गहाय मन्थि नरेन्द्र मदि आरो गिबि मन्थि नितीश कु मारनि सायाव दोहोनिफोरनि थाखाय सरकार सालायनयनि दाय जाबसिन्ना बुंदो, बिसोर सानैआ आरबपतिफोरनो उदांसि होदो आरो आबादारिफोर- निखावरिफोरखौ बान्दा बानायदो। बियो समाजबादी पार्टिनि दैदेनगिरि शरद यादबखौ राजखान्थिनि गुरु फोरमायनानै बिनानाव सुभाषिनी यादबखौ बिहारीगन्जनिफ्राय देरहा होनो अर'ज गाबदो। राहुल गान्धीआ बिहारीगन्जयाव मोनसे बिसायख'थि रेलिखौ सोमोन्दो लाना बुंदो, नितीश कु मारआ बिहारखौ सोलायनयनि खोथा होदोमोन आरो गहाय मन्थि नरेन्द्र मदिआ



बिसायख'थि फोसावदि खालामनाय समाव 2 कौटि सुबुंफोरनो साखि होनो खोथा होदोमोन। नाथाय खोथा होनाय मोनसेबो हाबाफारिखौ मावफुडाखै। राहुल गान्धीआ गहाय मन्थि नरेन्द्र मदिनि नटबन्दीनि सायाव सावरायना बुंदो, गोसोम दोहोनजो दावहा नांनो थाखाय गहाय मन्थिआ नट बन्दी खालामदोमोन। बे समाव नोथांमोनहा लाइनयाव गसदोमोन। मा सोरबा गोसोम दोहोन खामायाग्रा आरो आरबपति सुबुंफोरा लाइनयाव गसदोमोन नामा? बे समाव नोथांमोननि पकेटनिफ्राय फेसा दिहुन्नानै गिदिर गिदिर उद्यग बिगोमाफोरनि रंदाहार लानायखौ निमाहा होनाय जादो। बेवहायनि आबादारिफोरा जुखाम आरो मायनि आबादखो मावो। नाथाय बेवहायनि सुबुंफोरा रोखा बेसेनखौ मोन्नो हाया। बेवहायनिफ्राय फाइखारिफोरा खम बेसेनयाव आबादखौ हायरियायाव बेसेन गोसायाव

फानहैयो। गहाय मन्थिआ बुंदो, आबादारिफोरनो उदांसि होयोब्ला बिसोर जुखाम आरो मायखौ हादतनि जायखि जाया जायगायाव थांनानै फानहैनो हागोन। नाथाय आबादारिफोरा आबादखौ मावोरे फानहैगोन, बिहारआव लामायनो गैयाबा। नितीश कु मारआ थांनाय 5 बोसोराव बिहारनि थाखाय मा हाबाफारि मावया? गाव बेवहाय गेरिन्टि होनो फैदो। गावनि जुथाय पार्टिनि सरकारआ मोनफ्रामबो हारि, थाखो आरो धोरमनि सरकार जागोन। राहुल गान्धीआ बुंदो शरद यादबनि राजखान्थियाव निकावरिफोरनि राजखान्थि। गाव अन्ध प्रदेशयाव शरद यादबखौ लोमो मोन्दो। राजखान्थिनि सोमोन्दै बिनिक्राय गोवां सोलोनों मोन्दो। बियो आंनि गुरु। शरद यादबनि फिसाजो सुभाषिनी यादबआ बे बिसायख'थियाव बिहारीगन्ज मासिनिक्राय बिसायख'थि बादायनो नागिरदो। बियो सुबुंफोरनाव सुभाषिनीखौ देरहा होनो अर'ज गाबदो।

टेलिभिसन रेटिंखौ नायबिजिरनो थाखाय मिरु सरकारआ कमिटी बानायदो

गोदान दिल्ली, 5 नभेम्बर : मिरु सरकारआ बुधवारआव हादतआव टेलिभिसन रेटिंखौ नायबिजिरनो थाखाय मोनसे कमिटीखौ दादो। प्रसार भारतीयनि सिइअ शशी एस बेमपतिआ सा सोद्रोमा थानाय कमिटीखौ सामलायगोन। बेवहाय आइआइटी कानपुरनि प्रफेसार डा. शलभ, सी-डीअटिनि मावसुमाफोरनि बिथोनगिरि डा. राजकुमार उपाध्याय आरो सिपिपिनि प्रफेसार पुलक घषआ सोद्रोमा महैर थागोन गेजेराव नै दाननि फोरमायथि एबा फोसावदि मन्थिनो गाव गावनि रिपटखौ गथायनो बुंनाय जादो। फोरमायथि आरो फोसावदि मावख'आ बुंदोदि, संसदीय कमिटी, बिफाननि गेजेरजो टिआरपिआव दानाय कमिटी आरो फोनांजाब राहानि नेमखान्थिनि अर'ज गावनानै गुवारै सावरायनयनि उनाव टेलिभिसन रेटिं एजेन्सिफोराव



2014 आव फोसावनाय बिथोनमाखौ फारि लाइ खालामदोमोन। जुदि बिथोनमायाव जायखि जाया रोखोमनि सोलायनांगोननि गोर्नाथि जायोब्ला कमिटीआ गोखो इयुनखौ नोजोर होग्रा आरो फिन्याय होग्रा रेटिनि नेमखान्थिनि थाखाय अर'ज गावनो बुंनाय जादो। मख'नो गोनांदि, मुम्बाइ पुलिसआ बावैसो समाव टिआरपिआव हेरफेरीनि केसखौ मोनथिहोने दाबि दैखांदोमोन।

बे केसआव खौरां फोसावग्रा सेनेलनि मावसुमाफोरजो लोमोसे सा 5 सुबुंफोरखौ ग्रेप्टार खालामदोमोन।

लन्दन, 5 नभेम्बर: भारतनि गुबुन हादतयारि सेक्रे टारि हर्षवर्धन श्रृंगला आरो ब्रिटेननि नख'र मन्थि प्रीति पाटेलनि गेजेरजो लन्दनाव जानाय जथुम्मानि समाव किंफिशार एयारलाइननि आगुनि गहाय विजय माल्याखौ थाबैनो भारतनो गथायनयनि सायाव सावरायो। अदेबानि ब्रिटेननिफ्राय माल्याखौ भारतआव लाबोफिन्यानि सोमोन्दै गासै आइनारि हाबाफारिआ आबु जाखांबाय। बेनि सोमोन्दै इउरपनि दर 3 हादतफोरनि जोबथा खेब



दावबायनयाव श्रृंगलाया ब्रिटेननि माखासे मन्थिफोर आरो बिबानगिरिफोरजो लोमोसे सावरायगसिनो दड। बेरा फारसे श्रृंगलाआ पाटेल आरो खोला एशियानि थाखाय ब्रिटेननि मावख' मन्थि लर्ड तारिक आहमदजो माखासे गुबुन

आयदाफोरजो लोमोसे खारखोमा थानाय माल्याखौ भारतआव लाबोनानै बिजिसनयनि सोमोन्दै सावरायो। बिथाइ बे समाव नीरब मदिखौबो गथायनाय आयदानि सायावबो मोनैबो बाहागोनि बिबुंथिखौ दिखाडो।

आमेरिकायाव थांनाय 120 बोसोराव बयनिखुइ बांसिन भट होदो

गोदान दिल्ली, 5 नभेम्बर : आमेरिका बिसायख'थियाव बे खेबाव भट होग्राफोरा गोखो गोहो दिन्थिदो। अदेबानि बे खेबाव भट होनायाव थांनाय 120 बोसोरनि रेकर्ड खौ सिफायो। हमदांना लानाय बायदिब्ला, आमेरिका नि बिसायख'थियाव 50 निफ्राय 60 जौखोन्दोसिम भट जायो। नाथाय बे खेबाव भट होग्राफोरा

जारिमिन सोरजिदो। आमेरिकानि इलेक्सन प्रजेकटनि बाइदिब्ला, बे खेबाव गासै 66.9 जौखोन्दो भट होग्राफोरा भट सोदो। 2020 नि सिगां थांनाय 1900 आव बयनिखुइ बांसिन भट सोदोमोन, जेब्ला 73.7 जौखोन्दो सुबुंफोरा भट होदोमोन। इडनिभासिंटी अफ फ्लारिडानि गेजेरजो सालायबाय थानाय इउएन इलेक्सन

प्रजेकटनि प्रफेसार माइकेल मेकडनाल्डनि बुनाय बायदिब्ला थोंजो रावयाव बुडेब्ला, थांनाय 1900 जो 2020 नि भटखौ रुजुनाया मोजो जानाय नड। बे समाव आइजोफोरा भट होनायनि मोनथाय गैयामोन। ट फ ट स इडनिभासिंटीनि सेन्टार फर इन्फर्मेशन एन्ड रिसार्च अन सिभिल लार्नि एन्ड इंगेजमेन्टनि

बायदिब्ला, 18 निफ्राय 29 बोसोर बैसोन भट होग्राफोरनि अन्जिमाआ बांसिन जानायवा गोहोम गोवैलेदो। बिदिन्थि महैरे टेक्सासआव बे बिसायख'थियाव 131 जौखोन्दो लाइमोन भट होग्राफोरा (18-19) बे बोसोरनिमोन, जाय थांनाय बिसायख'थियाव 6 जौखोन्दोमोन।

सभारेन्टी आरो ओन्सोलारि खौसेथिखौ लाखिलांनो भारतआ समाय खिरा लायो: राजनाथ सिं



गोदान दिल्ली, 5 नभेम्बर: भारत आरो चीननि गेजेराव सान्जा लाहाख सिमनायाव जेना सोमजिनयनि गेजेराव रैखाथि मन्थि रजनाथ सिंआ गोखोडे बुंदो भारतआ गावनि सभारेन्टी आरो ओन्सोलनि खौसेथिखौ रैखाथि खालामनो समाय खिरा लायो। भारतआ जायखि जाया बेसेनयाव बेजो रादाय खानाय नड। रैखाथि मन्थि रजनाथ सिंआ चीनजो लोमोसे जेना सोमजिनयनखौ गोजोनयै सुसांनो बाथा बुंदो। भारतआ सावराय लाइनायनि गेजेरजो फारागथिखौ

गोजोनयै सुसांनयखौ गोनांथि होयो आरो सिमनाफोराव गोजोनखौ लाखिलांनो थाखाय गुबुन गुबुन रादाय खानायखौ सम्मान होनो थाखाय समाय खिरा लायो। भारत आरो चीननि गेजेराव 6 मेआव जेना सोमजिदोमोन। बेनि उननिफ्रायनो दरनै हादतफोरनि सोमोन्दोनि गेजेराव जेना सोमजिदो। दरनै हादतनि हान्जाया जेनाखौ सुसांनो थाखाय सान्थिफोरनि गेजेरजो सावरायलायनाय जादो। नाथाय जेनाखौ सुसांनो हायाखै।

मुलुगनाडै करनानि केसआ बांसिन्दो

गोदान दिल्ली, 5 नभेम्बर : हादतआव करनानि अन्जिमायाव एसेल'बानायखौ नुनो मोन्दो। से सप्ताहनि उनाव आरोबाव खनसे गोदान केसनि अन्जिमाया 50 रोजानिक्राय बांसिन जाबाय। बुधवारआव 50 रोजा 465 बेरामिफोरखौ मोन्नाय जादो। बेनि सिगां 28 अक्ट'बरआव 50 रोजा 188 केसखौ मोन्नाय जादोमोन। थैनायनि अन्जिमायाबो 704 जादो। थांनाय 15 सानफोराव बेयो बयनिखुइबो बांसिन जादो। अक्ट'बरआव 701 इनफेक्सन जानाय बेरामिफोरा थैदोमोन। हादतआव दासिमआव 83 लाख 63 रोजा 412 सुबुंफोरनाव इनफेक्सन जानायखौ मोनखांबाय। बिसोरनि गेजेराव 77 लाख 10 रोजा 630 बेरामिफोरा मोजो जाखांबाय। बे बेरामजो



दासिमआव 1 लाख 24 रोजा 354 सुबुंफोरा थैखांबाय। आथिखालाव 5 लाख 25 रोजा 397 बेरामिफोरखौ फाहामथाय होनाया सोलिगासिनो दड। हादतआ दासिमआव 11.39 कौटिनिफ्राय बांसिन जाबाय, जेराव इनफेक्सन जानानै थैनाय अन्जिमाया गासै 1,223,950 निफ्राय बांसिन जाबाय। जन्स

अन्जिमाया बांनानै आथिखालाव 81 रोजा 883 जाबाय। मख'नो गोनांदि, मुलुगनाडै करना भाइरासनि इनफेक्सन जानाय केसनि अन्जिमाया गासै 4.8 कौटिनिफ्राय बांसिन जाबाय, जेराव इनफेक्सन जानानै थैनाय अन्जिमाया गासै 47,997,816 आरो 1,123,456 जाबायमोन।

हपकिन्स इडनिभासिंटीआ बे खौरांखौ बृहस्पतिवारआव होदो। इउनिभासिंटीनि सिएसएसइआ गावनि गोदान आपडेटआव फोरमायदोदि, बृहस्पतिवारनि फुंसिमाव गासै केस आरो थैनायनि अन्जिमाया 47,997,816 आरो 1,123,456 जाबायमोन।

बे खेबाव दिल्लीजो लोमोसे दर 18 था

राइज्योफोराव पटखा फानायनि सायाव होबथादो

गोदान दिल्ली, 5 नभेम्बर : दिल्ली-एनसिआरजो लोमोसे दर 18 था राइज्योफोर आरो मिरुजो खुंजानाय राइज्योफोराव आबहावाखौ सामलायनो आरो सुबुंफोरनि गोमो देहाखौ नोजोर होनानै पटखा गावनाय आरो फानायनि सायाव होबथानो दाबि दैखानायनि सायाव थांनाय बृहस्पतिवारखालि नेसेनेल ग्रीन ट्रिब्युनलआ गावनि थांखिखौ रैखाथिये लाखियो। एनजिटिआ थांनाय बुधवारखालि बे केसखौ दिल्ली-एनसिआरनिफ्राय वारायहोनानै दर 18 था राइज्योफोर आरो मिरुजो खुंजानाय राइज्योफोरनिफ्राय फिन्याय बिदोमोन। एनजिटिआ पटखा फानाय आरो सावनायाव होबथानो दाबि दैखानायजो लोब्बा गोनां केसनि फारसे बिहार, आसाम, गुजरातजो लोमोसे दर 18 था राइज्योफोरनो नटिस फोसावनो।

एनजिटिनि गहाय जास्टिस ए.के. ग्येलनि दैदेनग्रा पीठआ बुंदोमोनदि, बियो सिगाडावनो दिल्ली, हरियाणा आरो उत्तर प्रदेशनो नटिस फोसाव हरखांबाय। लोमोसे बुंबावदो राजस्थान आरो उरिष्यानो नटिस हरनायनि गोनांथि गैया, मानोना बेयावनि सरकारा सिगाडावनो पटखा फानायनि सायाव होबथानो थाखाय खौरां फोसावखांबाय। पीठआ बेबायदि बिबुंथि होनानै आसाम, अन्ध प्रदेश, बिहार, गुजरात, हिमाचल प्रदेश, चन्डीगड, जम्मू-काश्मीर, झारखान्ड, कर्नाटक, मध्य प्रदेश, महाराष्ट्र, मेघालय, नागालैन्ड, तामिलनाडु, तेलंगाना, उत्तराखान्ड आरो सोनाब बंगनिफ्राय फिन्याय बिहरो।

गोजोननाय गैया

गोसोआ गोजोननाय गैया
मिजिं आरो जेनानि बोदोर।
जावलिया फागुननि बारजों
बुखार जानाय आनि जिउ।
मोदैन लैथो आनि;
बोहैखार लांबाय आनि-थानि,
अन्थायनि बान्दो, हाजो-हाला,
हाग्रा-बंग्रा सौसि-सौसि।
गोसो गैया रावबो आंखों
दिखांनो आबाद थिलियाव
हासार गैया फुखिन लैथो
सोरबा धोनि सुबुनि थाखाय
दं बियो हारिं गोमजोरै
रावनिबो अनसायनाय गैयायव।
गोसोआ गोजोननाय गैया;
दुखुथिया आनि जिउ
लाइमोन बैसोआ।
गोदाव सोराव हारिंडै
दड आं आनि-थानि,
सोरनि अननायखौ मोनगोन
बेखौ नेनानै,
जेब्लासिम जाफुगोन-
आनि मिजिं जिउनि-थांखिया।
गोसोआ गोजोननाय गैया
मोनहास यै गोजौ अखरानि
समायना गोजों हाथरखि
जागोन माबोला गोजोन सोरां।
सुखु गोजोन गैया
दन्दिसे दुखुथिया जिउखौ लानानै
सान्त्र' हायै जेना।
बेसेन गैया दुखुथिया सुबुनि,
थरथिसे थै.....।
जागोन माबोला गोजोन सोरां,
जिउनि खोमसि लामाया।
नेनानै थासिगोन आं
जेब्लासिम जाफुगोन,
आनि मिजिं जिउनि थांखिया
बै मोजां मोननाय अनजालिखौ।

राजेन नार्जारी
बैसो- जिगु (19)।

जेथो वेन्सी

दुखुजों साग्लोब जानाय बे संसाराव,
थायो मानो हालाय-हाफाय
मिथिया मानो मालायनि संसार।
नाजायो गावनिल' मोजां खालामनो।
मानसिया सानो इसोरानो खालामदों बिदि
नडा नाथाय गावनि सायावसो,
सानसे मावनानै मोनो थोजासे गं।
सानो सोरबा जिउ गोनां आदुवा,
बेजोंनो मोनजासिगोन ब्रै सान।
जानो हाला माब्लाबाबो बे सोदोब।
जिउवा बेसेबां गोबाव हाबाया नौनि-
जोबनानै थाड जेब्लायबो।
दुखुखौ लानांगो सिगां नोडे,
उनावसो मोनगोन नौनि सुखु।
नडाब्ला जानो हाया नौ मानसि
मिथि रोडै दुखु लामानि
अनथायसो जानांगोन नोडे संसारनि
मिथिस' हायै बुब्बिआव।

मुस्रि सानजारां गयारी
ला:सो:- बागरगाव
जिल्ला- चिरां, बि टि सि आसाम।

मोन द' लिमारिक

(1)

माखा स्कुलनि सेंग्रा फरायसाफोर;
फोरोंगिरि फैयैआव रायज्लायो बिसोरो
सिख्लाफोरजों गोसो थोनायनि बाश्रा,
लाइजाम लिरो बिसोरो सानफ्रामबो
स्कुलाव फैब्लाथाय लाइजाम थासै
माखा स्कुलनि फरायसाफोरनि फकेटआव।

(2)

आनि आफयालाइ माष्टार साखि मावयो
थाडे स्कुलाव सानफ्रामबो,
फोरोंहैयो फरायसा फरायसुलिफोरखौ गोसो होना
बेखौबा गोसो गात्रि मानसिफोरा स्कुलाव
थाड मोजां फोरुड होनसो लायो।

(3)

जौनि गामिनि सासे सेंग्रा
सोरखौबा साननानै गाबो
न सिडव सिरि सिरि,
बिमा बिफानाव रां बिना मोनाब्ला
गाबो बियो सिरि सिरि।

(4)

ओइ आब' हाइनारि
महरा नौनि लाइ दत्तनि बादि
आखला नौनि थंआलि,
दंलायो नौलाइ से घन्टा
सिन' फावदार फुनो नौलाइ से इन्सि।

(5)

बोरसि फुजा फैलाइबाय आनन्द बाजाराव
सोरखौ सोर नायखनो जरा लायै बेरायदों,
सोरनि मिथाय जुलाफि नेमखि जाहोनायखौ नायनो
फुजा फैब्लाथाय मोजां मोनलाइनायफ्रा
बेरायो जरा जरा।

(6)

जौनि गामिनिलाइ सासे सेंग्रा
बिनि मुड हायथा फाखा;
सिख्लाफोरनि गान्नाय ड्रेस मोजां नुब्लाथाय
नायो नौलाइ, रागाजोंनो मोसेर सेर
सिख्लाफोरखौ अखनबा अपमान होयो नौलाइ,
लामा दथामानिबो अपमान, बेरायदावनो हाला।

थरायना मौसुमी दैमारी
ला:सो:- कलियागाव, जिल्ला- चिरां (आसाम)।

रंजालि गथ' फोरनि सौरा

मिजिंक् दासिमबो

मिजिंक् दड आंहा-
नैबे आनि बैटा गैया
जिउनि डिड जावलांनयआव
रुगु मोनहैनो, नैबे आनि
106 बेगेंखौ लानानै।
मिजिंक् दड आंहा-
फैलाउ साहारा बालाहामायावबो
हाहोनो जाखिसे अखा ;
मिजिं थिनानै साहारायावबो
दान्दिसे सुदेम गोजोन।
मिजिंक् दड आंहा-
बारहुंखा-बारमोदाइ, बालाहामा,
दैमा दैसानि दोहौआवबो---
गुनो रोडै गायनानै दोनलानो
बर' राव, थुनलाइ, हारिमुनि गोगोम बिफां।
मिजिंक् दड आंहा-
डिमापुर, माइबां, कासपुर लुफिनो;
जादौब्लाबो राम-रावण, जेस जालेम दावहा
दोनलानो जादिमिनआव
गावखौनो असे थार बर' जोहोलाव।
मिजिंक् दड आंहा-
मुलुकआव मोनान्दला दैमालुनि राव,
थानानै थासिगोन अराइबो
बर' नि राइजो, राजा आरो फोर्जा
लैथो गंसेनि दै जानानै।
मिजिंक् दड आंहा-
फोरमान होयोब्लाबो गोरिबनि,
बर' नि नख' रआव दाव, अमा,
हांसो, फारौ, उवाल- गायहेन
एम्फौ लाथा मोनबाइ थागोनखौ

रिखांफैयो रोमै-रोमै
नौनि बुनाय रावफोरा
दासिमबो.....
आनि खोमा गुदियाव,
नुजाफैयो साया-माया
नौनि माया गोनां महरा
दासिमबो
आनि मेगनि फैसालियाव।
दड नौखौ अन्नो मोजां मोनो
हानाय गोर्बोआ आंनाव
दासिमबो.....
नाथाय मा खालामनो अनजालु
दंब्लाबो गोर्बोआव सैथो अननाय मोजां मोननाय
नौनि खाथियाव थाफानानै
गोर्बोनि अननाय मोजां मोननायखौ
होनो थाखाय आंहा सम फैयासै
बिदिनि थाखाय नौं बायदि
थार गोसोजों मोजां मोनग्रा
सुबुंखौ खोमानानै लानानायावखि
आनि गोसोआ अराय सम
गोजोनै थानो हागोन अनजालु ?
बियो सैथो, थारैनो हानाय नडा
मा जानो.....
थांखानाय जाथायखौ गोसो खंबोला
आंखि मोनफिनगोन ?
बिदि समा माब्लाबाबो फैफिननाय
नडा आरो मोनफिननायबो नडा।
अब्लाबो मानोबा लुबैबावो
दासिमबो.....
फाग्लि गोसोआ मोकथानि नडाब्लाबो
सिमॉनि थार अनजालु सानानै
नौनि आंथ गोनां मुंखौ
गोसोआव लाबाय थानो।

बिक्रम बसुमतारी
ला:सो:- सिलिखा गुरि
जिला- सिरां बि.टि.ए.डि.

रैरुप बसुमतारी

फ्रान्सयाव मुलुगनि समायना डेस्टिनेशन दं

गोदान दिल्ली, 5 नभेम्बर : फ्रान्सया 2018 फीफा वर्ल्ड कापनि
देरहासातगिरि जादों। फुटबलनि अनगायै फ्रान्सया माखासे थासारिनि
थाखायबो मुंदांखा। फ्रान्सयाव बोसोरफ्रामबो 8 कौटि 50
लाखनिफ्राय बांसिन गुबुन हादतनि दावबायारिफोरा दावबाय फैयो।
फ्रान्सनि मर्दान कालचार, जादिमिनारि न' बिल्डिं, मोजां जाग्रा



लौंग्रा आदार, रमान्टिक लकेसन्स आरो मिथिगायारि समायनाखौ
नायनो थाखाय मुलुग नाडैन सुबुंफोरा फ्रान्सयाव दावबाय फैयो।
(1) फ्रान्सनि राजथावनि पेरिसआ समायनानै बेस्ट डेस्टिनेसन्स।
बेखौ सिटि अफ लाभ, सिरि अफ लाइट, केपिटेल अफ फेसननि



मुं होनाय जादों। बे सहरयाव मुलुगनि मुंदांखा मिउजियामबो दं।
बेवहाय बोसोरफ्रामबो मुलुगनाडैन कापालसफोरा हानिमुन
खालामनो थाखाय दावबाय हैयो। बे सहरयाव ट्रायमफे नाट्रे डेम
कैथेड्रेव, एफिल टावर, आर्क डी बायदि बयबो सुबुंफोरनि गोसोखौ
बोनो हानाय जायगाफोर दं।

(2) फ्रेंस रिबेसआ फ्रान्सनि भुमध्य लैथोमानि बोरिमा सायाव
दं। फ्रान्सयाव थानाय दावबायारिफोरा बे जायगायावबो दावबाय
हैयो। बेवहाय गोबां गिदिर प्ले ग्राउन्ड दं। बे जायगाया मनाक',
कान' फिल्म फेस्टिभेल, सेन्ट टूपेजनि थाखाय गोबां मुंदांखा।
बेनि अनगायै बेवहाय एजे आरो सेन्ट पल डे बेन्सनि गामि आरो



जायगा।
(5) लाइबेराना सोर्गोपुरि बादि। बे जायगानि हाग्राबारि,
लेबेन्डरनि आबाद, आबादारिफोरनि बाजार, कालारफुल आरो
आरिमुनि न'या बेवहाय दावबायनो थानाय सुबुंफोरनि गोसोखौ
बोनो हानायनि मिरु। बे जायगाखौ नायनो थाखाय सुबुंफोरा



जाय गोबां समायना।
(4) मान्ट सेन्ट मिशेलआ दरसे द्वीप बायदि। बे 708 जौथायाव
एबरेसनि बिशप आरो मनक्सआ बानाय होदोंमोन। बेयो
फ्रान्सनि नर्थेन्डीनि सा-सोनाब थिंजाय दं। बेयो फ्रान्सखौ
दावबायनो मोजां मोननाय सुबुंफोरनि थाखाय दरसे समायना

बांसिन गरम बोथोराव दावबाय हैयो।
(6) फ्रेंस रिबिएरानि खाथियाव थानाय समायना कस्टेल'
सिटिआ जादों नीस, जाय भुमध्य लैथोमा आरो एल्पस
माउन्टेननि गेजेराव दं। बेवहायनि समायना बीचयाव



बोसोरफ्रामबो रोजा रोजा सुबुंफोरा दावबाय फैयो। बेनि
अनगायै बेवहाय बुटिक शप्स, मिउजियाम आरो बरक
पेलेसयाबो टुरिस्टफोरनि गेजेराव गोबां मुंदांखा। नीसयाव
दावबायनायनि मोजां समा जादों मार्चनिफ्राय एप्रिल आरो
सेप्टेम्बरनिफ्राय अक्ट'बरनि गेजेराव।





आइजो बिपिएफनि बान्जायनायाव खोला आफ्पलागाव ग्लेग्रा फोथारआव आइजोफोरनि सुबुं गौमा

हालामआव रजखान्थिनि बाह्हावाया दुंहावै सोलिगासिनो । मख 'नो गोनांदि, रइज्योयारि बिसायख 'थि आयगआ ब्ठिटिस बिसायख 'थिनि खुंगोन अक्ट्खौं दासिम फोसावथ 'नाय जायाखैब्लाबो नाथाय बिसायख 'थि खुंस्मिगोननि इसार मोन्नानै दासान्दि हालामनि गुबुन गुबुन जायगाफोरव रजखान्थि दोलोफोरनि फोसावदिंनाय आरो मेल–मिथिं खुंनया सोलिबाय थानायजौं रइजो–रजा भटारफेरखौं माबादि खुगानि गोदे बानबुंथिजौं फुस्लायनो हगंगोन आरो थुलुंगाखौं होनो हगंगो बेफोरनि सायाव रजखान्थिगिरिनि खुगानिफ़्राय गोदान गोदान बाभ्राफोरखौंबो खोनानो मोनबाय थादों । बिटिसि बिसायख 'थिया खुंजानो खाथि नोजोरव सौफेनाय लोगो लोगो गुबुन गुबुन राजखान्थि दोलोफोरनि गेजेरव 17 बोसोर बिटिसि खुंथायाव थानाय बिपिएफ दोलोआ फिन ब्रैथि खेब खुंथायखौं दखलआव लाफिनो थांखिनो बे समाव दोलोनि बिसायख 'थि फोसावदिंनायखौं गोख्रैसिन खालामदों । मोन 4० बियाबफोरनि गेजेरव मोन ३7 बियाबआव बिजाथिफोरखौं फरसनानै हाग्रामा महिलारिनि दैदेन्नाय बिपिएफ दोलोआ दासान्दि थाद 'नाय गैयालासे फोसावदिंनायखौं सोलिहोबाय थानायनि गेजेरवनो दिने कक्राझार जिल्लानि ९ नं बनरगाव बियाबनि दोलोनि बिजाथि रजिव कुमार ब्रह्मनि थाखाय खोला आफ्पलागावनि गेलेग्रा फोथारआव खोन्दो थाखोनि आइजो बिपिएफआ मोनसे सुबुं गौमा हाबाफारिनि मेलखौं खुंनया जायो । बियाबनि सिडव थानाय गुबुन गुबुन खोन्दो एबा ब्लक लेभेलनि आइजोफोर लोब–लोब बाहागो लानानै बिजाथि रजिव कुमार ब्रह्मखौं हेफाजाब होनो आवगनायनायखौं नुनो मोनो । खमैबो 20 रोजा हेफाजाबगिरि आइजो आरो हौवाफोर बाहागो लानाय बे आइजो बिपिएफनि सुबुं गौमा मेलआव बिजाथि रजिव कुमार ब्रह्मआ गावनि ९ नं बनरगाव बियाबआव देरहागोनखौं बिखा बुनानै रोखा होन्नानै खौरंगिरिफोरनि सिगाडव बुंथियो । ब्रह्मआ खौरंगिरिफोरनि सौंथि खालामनाय फिनआव बुडोदि, बनरगाव बियाबआव हौवा आरो हिन्जावफोरनि दिनेनि लोब–लोब बाहागो लानाय आरो हेफाजाब होनायखौं नोजोर होयोब्ला बे खेबनि बिसायख 'थियाव आंनि देरहानायखौं रवबो लाखिनो हानाय नङ आरो 25 निफ़्राय 3० मासिनि गेजेयव बिपिएफ दोलोआ फैगौ बिसायख 'थियाव देरहानो हगंगो होन्नानै बुंथियो । गुबुन फार्सेथिं 29 नं सोनाब कक्राझार बिधान सभा बियाबनि एमएलए रबिराम नाजॉरिआ गावनि लाखिनाय बिबुंथियाव बुडोदि, बिपिएफ हान्जाया दुलाराय मोनब्रै जिल्लानि गेजेरवनो गोखौं थासारियाव दङ। अदेबानि बिपिएफ दोलोखौं गुबुन दोलोफोर फेजेनो हानायनि गोहो थानायखौं नुवाखै होन्नानै बुडे आरो गावनि बिबुंथियाव दानाबदेरसानै फार्सेनिफ़्राय इउपिपिएल दोलोखौं सावरयनानै बिसोरनि बिसायख 'थियाव देरहानायनि थांखि लानाय सिमाङ फेलें जागोन होन्नानै बुंवाबो । रबिराम नाजॉरिआ थंनाय बिटिआर गोरोबथानि सायावबो बिबुंथि लाखिनानै बे गोरोबथाखौं बर' हारिनि थाखाय मिजॉर्थिजानाय बादि नङ होन्नानै बुडे । बे मेलवानो बिपिएफ दोलोनि आफादगिरि हाग्रामा महिलारिआ गहाय आलासि महरै बिबुंथि लाखिनानै हान्जानि गोखॉंथिखौं नोजोर बोनानै फैगौ बिसायख 'थियाव देरहानानै खुंथायाव दोलोआ फैफिनगोन होन्नानै दाबिदार खालामो । बेजों लोगोसेनो आइजो बिपिएफनि मेलाव मिरु बिपिएफनि नेहाथारि अन्जली दैमारिआबो बाहागो लानानै गावनि बिबुंथिखौं लाखिना भटार रइजो–रजाफोरखौं थुलुंगाखॉं होनायजों लोगोसे बिपिएफ हान्जाया गोबां मासियाव देरहागोन होन्नानै बुडे । मख 'नो गोनांदि, बाउखुंगि बियाबनि बिजाथि दनेस्वर गयारि, मिरु आइजो बिपिएफनि आफादगिरि सुप्रिया रानि ब्रह्म, आइजो बिपिएफनि दैदेनगिरि, बिएसइडनि दैदेनगिरि, बनरगाव बियाबनि बिपिएफ दोलोनि खोन्दो दैदेनगिरिफोर आरो गुबुन गुबुन हरि–हारिसानि गोबां सुबुंफोरवो दिनेनि बे आइजो बिपिएफनि सुबुं गौमा मेलाव बाहागो लादोंमोन ।□

गिबि मन्थि सर्बानन्द सनवालआ रुंसारि भुपेन हाजरिकानि गोसोखांथियाव मान बाउदों

जोबोद देरगाथाव खामानि मावनाय जादों । बिथानि देंखो आरो थुनलाइया असमीया हरिखौं मुलुगनि बिखायाव सिनायथि होनायनि बिथिडव मोनसे आबुं मन्स खालामनो हादों । भुपेन हाजरिकाखौं लानानै असमीया हरिआ गोग्मानाय लानो हादों । बिथानि जिउ आरो माव बिबानआ जॉनि गेजेरव बांसिन गोसोखांथावना जानानै थादों । दिने देंखोगिरि ७ थि थैनाय बोसोरारि साननि लोब्बायै जालुकबारिआव थानाय बिथानि गोसोखांथि हरिसुवारि सामलाय मावख 'नि गेजेरजों खुंनया हाबाफारिआव बिबुंथि लाखिनानै गिबि मन्थि सर्बानन्द सनवालआ बेबादि बाभ्राखौं बुंथियो । गिबि मन्थि सनवालआ देंखोगिरिनि थैनाय साननि लोब्बायै बिथानि गोसोखांथि खाम्फायाव बिबार बाउनायजों गेदेमा देंखोगिरिखौं मान होयो । हाबाफारिआव बिबुंथि लाखिनानै गिबि मन्थिआ बुडोदि, भुपेन हाजरिकाया देंखोनि गेजेरजों समाजनि ख्रौसेथिखौं गोखॉंथिन खालामनो नाजदोंमोन । साफ़्रोमखौंबो समानै जौगानाय आरो गोगो समाज लांनायनि फार्से बिथाङ नाजदोंमोन । गिबि मन्थिआ बिथानि आदर्शजों रइज्योआव गोजोन आबहावा आरो सुबुंफोरनि गेजेरव एबा बिदा–फंबाय अनलायनाय गोहोखौं गोहोखौं गोख्रैसिन खालामनायनि बिथिडव बेनि बिहोमाखौं रइज्योनि साफ़्रोमो इयुन जौलै लाइमोनफोर उनसलॉनो फोसावो । भुपेन हाजरिकाया असमीया हरिखौं मुलुगनि गेजेरव सिनायथि होलॉनांयजों रइज्योनि इयुन जौलै लाइमोनफोर बिनि जिउ जारिमिनखौं संदानो आरो सोलॉनानै लानो थाखायबो फोसावबाबो गिबि मन्थिआ । दिनेनि बे हाबाफारिआवनो हारिसु बिफाननि मन्थि नब कुमार दलेआ बुडोदि, देंखोगिरि भुपेन हाजरिकाया देंखो रोजाबनायनि गेजेरजों रइज्योनि साफ़्रोमबो सुबुंफोरखौं थुलुंगाबां होनो हादों । आसामनि सुबुंफोरनि गोबाँ गोसोआव बे गेदेमानि रोजाबनाय मेथाइ, बिहोमा होलॉनाया अरय सम थानानै थागोन आरो गोसोखांजागोन होन्नानै मन्थिआ बुंवाबो । गिबि मन्थ्रनि मिडिया बोसोनगिरि ऋषिकेश गस्वामीआबो बे हाबाफारिआव बिबुंथि लाखिनानै भुपेन हाजरिकाया सुबुंथिनि फार्से देंखो रोजाबबोदोंमोन होन्नानै बुडे ।□

बाक्सा निकाशियाव इउ पि पि एलनि बिसायख 'थियारि मेल

सारलायनायखौंबो नुनो मोनगासिनो दं । मानोना जाय जेखि हान्जायानो जायाथों मानो बि टि सिनि राज मासिखौं जेरैखि–जाया दखल खालामथारनॉंगो । बे लेखायै दिनेबो बाक्सा जिल्लानि 2३ नं दिहिरा बियाबनि निकाशियाव फैगौ बि टि सि बिसायख 'थिखौं नोजोर होनानै इउ पि पि एलनि मोनसे बिसायख 'थियारि जानानै थाडे । बे मेलयाव इउ पि पि एलनि नेहाथारि जोंभ्रां ब्रह्म थामहिनबा फैला जे बरगथारिआ आलासि महरै बाहागो लानानै बुडोदि, 23 नं दिहिरा बियाबनि बि पि एफनि बिजाथिया राजेश बरालआ नङ, गोदान बिजाथि मुनर्सिं ब्रह्मआसो बि पि एफनि बिजाथि । दिने बि पि एफ हान्जाया राजेश बरालखौं बोलिनि बोरमा बाहायदों । नङब्ला बि पि एफ हान्जानि दैदेनगिरिफोर उदां बिजाथि मुनर्सिं ब्रह्मनि बिसायख 'थियारि हाबाफारियाव बाहागो लानाय नङमोन । बिथाङ बाबुबाोदि, फैगौ बि टि सि बिसायख 'थियाव इउ पि पि एल हान्जाया ३० निबो बांसिन मासि लानानै देरहाना प्रमद बर 'नि दैदेन्नायाव सरकार प्रमद आ 1०0 जौखोन्दो रोखा जाबाय । मानोना दिने बि टि सियाव रइजो–राजाफोर सोलायनाय लुबैदों । बे सोलायनायखौं लुबैनानैनो दिने रोजा–रोजा रइजो–राजाफोर इउ पि पि एलखौं मदत खालामनो लैहोर–लैहोर ऑंखारबोदों । बे हाबाफारियावनो 2३ नं दिहिरा बियाबनि इउ पि पि एलनि बिजाथि जगदिश रामशियारिआबो खौरंगिरिफोरजों जानाय मोगा–मोगियाव बुडोदि, दिने जखिनि रइजो–राजाफोर ऑंखारबोदों बेनिफ़्राय रोखा जायोदि, दिने बि टि सियाव जों इउ पि पि एल हान्जाया सरकार दानो थांगसिनो आरो बे खेबआव इउ पि पि एलआनो दिहिरा बियाबआव देरहासार जागोन । एरहाय बियाबआव उदां बिजाथि महरै गसंनाय मुनर्सिं ब्रह्म आरो बि पि एफ हान्जानि बिजाथि राजेश बरालनि सायाव बुडोदि, दिने दिहिरा बियाबआव बि पि एफनि बिजाथिखौं नागिरना मोनाखै । बि पि एफनि गुबै बिजाथिया सोर ? राजेश ना मुनर्सिं ? दिने बि पि एफ हान्जाया बिजाथिखौं लानानै दुर्निंति खालामदों । दिनेनि बे हाबाफारियाव इउ पि पि एल हान्जायाव गोदानै हाबफैनाय सोद्रोमा थामहिनबा बर' थुनलाइ आफादनि बारग' लेङइ आफादगिरि दिपक कुमार बसुमतारिजों लोगोसे हान्जानि गोबां दैदेनगिरिफोर आरो गोबां रइजो–राजाफोर बाहागो लादों ।□

बाक्सा जिल्ला साहित्य सभाया भुपेन हाजरिकानि थैनाय सान फालिदों

बाक्सा जिल्ला साहित्य सभानि आफादगिरि माथब चन्द्र कलितानि आफाद दैदेन्नायाव आरो रायदाव आफादनि आफादगिरि मानना सिं ब्रह्मनि बराय बिबुंथि होनाय गेवलॉं मेलखौं बेखेवना होयो जितेन शर्माआ । आसाम साहित्य सभानि गौथुमारि नेहाथारि गबिन्द कलितआ गहाय आलासि महरै नुजाथिनाय बे मेलयाव थांखिजानाय बिबुंथिगिरि महरै बाहागो लायो मुसलपुर जौसिन फरायसालिनि बारग' गोराय शुरेन्द्र नाथ बर्माआ । 2.3० रिंगायाव बिसम्भ आरो बिजाब बेखेवनाय जायो । बिजाबखौं बेखेवयो फारियै– बाक्सा जिल्लानि जिल्ला बेंगिरि रन्जन शर्मा आरो मुसलपुर हाग्रा खोन्देनि बिफानारि दिफुल बर्मनआ । बे हाबाफारियाव मख 'जाथब आलासि महरै बाहागो लायो बाक्सा जिल्ला आसाम साहित्य सभानि बारग' आफादगिरि अनिल काकति आरो गौबां माननि आलासि बिथॉंमोनह। बे हाबाफारिनि जोबथा बुब्लियाव सावगारि आखिनाय आरो मेथाइ खन्नायाव देरहासार जानायफोरनो बान्था रान्नाय जायो ।□

बड 'लेण्ड कर्मसारि गौथुमनि भेरगाव जिल्ला आफाद दाफुदों

लुहां खुंगुर दैमारिनि मासि सामलायनायाव जानाय बे मेलआव महकुमानि सिडव मोनफ़्रोमबो बिफाननिफ़्राय 1०० सरकारि कर्मसारिफोर बाहागो लादोंमोन । बे मेलनि थांखिखौं बेखेवनानै होयो बड'लेण्ड कर्मसारि गौथुमनि मिरु नेहाथारि नबिन कलिताया । दिनेनि बे मेलआवनो तिलक रामसियारिखौं आफादगिरि, भानु बसुमतारि, श्यामल नाजॉरिखौं लेङइ आफादगिरि, जितु मजुमदारखौं गहाय नेहाथारि, गौतम दैमारि, साबुरुम बर'खौं फोनंजाब नेहाथारि आरो अलंबर बसुमतारिखौं रंगिरि मखामहै लानानै बड'लेण्ड कर्मसारि गौथुमनि सा 41 सोद्रोमाफोरखौं लानानै भेरगाव जिल्ला आफादखौं गोजोंनै दाफुंनाय जायो । मेलआव गौथुमनि मिरु आफादनि आफादगिरि दिपक कुमार रामसियारि, बोसोनगिरि गौतम बर'आबो बाहागो लानानै बिबुंथि लाखिदोंमोन ।□

आजिरा लानाय एसिएस मावख 'गिरि अजित ब्रह्मआ रुंसारि जाबाय

मेडिकेल कलेजयाव जोबथा हां बोवाय । मिथिनाय बादिब्बा रुंसारि ब्रह्मआ थंनाय 22 अक्टबरनिफ़्रायनो करना पजिटिभ मोन्नायनि उनाव बरपेटा मेडिकेल कलेजयाव फाहामथाय लागसिनो दंमोन । नाथाय बिथानि देहा हालोदआ मोजाडव फैफिनैयाव जोबथा बुब्लियाव दिने 68 बोसोर बैसोयाव रुंसारि जायो । बिथाङ कक्राझार सहरनि बागानसालिनि थागिबिमोन । मख 'जाथावदि, रुंसारि ब्रह्मआ गावनि थाना थनाय समाव साखिनिफ़्राय आजिरा लानायनि उनावबो दुलाराय ब्रह्म धर्म समाजखौं लाफानानै गुबुन गोबां समाजयारि हाबा–हुखाजोंबो खाथि सोमोन्दो लाखिनानै खामानि मावबोदोंमोन । बिथानि रुंसारि जानायाव दिने गोबां बर' आफादफोर, फरायसा आफाद आरो राजखान्थि हान्जाफोर गोथौयै दुखु मोन्नाय फोरमायदों । मोनाब्लि समाव कक्राझार जिल्ला बेंगिरिनि मावखुलियावबो जिल्ला बेंगिरि भास्कर फुकन आरो जिल्ला खुंथायनि माखासे मावख 'गिरिफोरनि बाहागो लानायाव रुंसारि ब्रह्मनि गोजोन जिउमानि थाखाय दािन्दसे सम अबंलावरिनाव आर 'ज गाबनाय हाबाफारि बान्जायदों ।□

आइन बेरेखायै लाखिनानै दोन्नाय पटका गुदामआव चिरां पुलिसनि हरखाब संदानाय

चिरां पुलिसनि लेङइ पुलिस बिबानगिरि प्रताब दासनि दैदेन्नायाव आरो बासुगाव पुलिस थानानि बिबानगिरि तरुन कुमार चेरिनि हेफाजाबआव संदानानै थाना र'ड थुरिसारिनि गोबां सुबुंफोर थानाय ओन्सोलाव रुपक चौधुरी मुंनि सारे फालांगिरिनि गुदामआव गासै मोन 800 कार्टुनि पटकाफोरखौं जब्द खालामो । पुलिसआ गुदामनि बिगोमाखौं हमनानै थानायाव लाबोयो आरो उननि समाव जिल्ला मेजिस्ट्रेट जगदिश ब्रह्मनि सौहैनायाव पुलिसआ गुदामखौं थाला मारिथेनाय जायो । बासुगाव थानायाव बिनि बागै मोनसे गसर थिसन्नाय जादों होन्नानै पुलिसनि सुलुङ मिबथिहोयो ।□

बासुगावआव ड॰ भुपेन हाजरिकानि ९ थि बोसोरारि थैनाय सान फालिदों

फरायसालिनि लांगोनायाव थानाय देंखोगिरिनि मुसुखायाव बिबार बाउनाय आरो गोसोखांथियो जायगानि सुबुंफोर । देंखोगिरिनि मुसुखायाव बिबार मालाखौं गानहोजेनो भुपेन हाजरिका गोसोखॉं सरैखाथि आफादनि आफादगिरि अमृत नारयना पाटगिरिआ । बेजों लोगोसे गोजोननि बाथि फोजोडे नेहाथारि सैलेन दासआ । हाबाफारिआव बासुगाव गोखौं फरायसालिनि आजिज मोन्नाय फोरेंगिरि हितरम भरली, गागि थुनलाइगिरि अमृत नारयान पाटगिरि, गागि देंखोगिरि अजित कुमार नन्दि, खौरंगिरि भृगुमनो रायजों लोगोसे बासुगाव दख'रा फरायसा आफादनि गहाय नेहाथारि आरो माखासे सुबुंफोरबो बाहागो लादोंमोन । बे हाबाफारियावनो रुंसारि भुपेन हाजरिकानि देंखो रोजाबनाय आरो बिनि बिहोमा होलॉनायनि सायाव सावरयनाय जायो आरो बे हाबाफारिनि लोब्बायै बासुगावनि ३ नम्बर थर्डनि मोनसे लामाखौं भुपेन हाजरिकानि मुं दोन्नायनि थांखि लानायखौं फोसावनानै होयो । फार्सेथिं सालाकार्टिनि जरेगावआवबो हाजरिकानि थैनाय सानखौं फालिनाय जायो ।□

चिरांनि हालिगावआव ड़ागसजों लोगोसे सानैखौं हमदों

एएस–16 एसि–2144 नम्बरनि महिन्द्र 'जिट' मिनी भेननिफ़्राय ड़ागस हमनो हायो । लोगोसे बे ड़ागसफोरजों लोगोसे सानै सुबुंफोरखौं हमनो हायो । पुलिसनि सुलुडाव फोरमायनाय बादिब्बा सिप्रोमनाय समाव गामिनिफ़्राय गासै ३7० ग्राम तिरथायनि मोनब्रै फ्लारिस्टजों जुनाय कन्टेनार एबा ड़ागसखौं बोखॉंनो हादों । लोगोसे भुटान आरो भारतयारि रानि बिलाइफोर, मवाइल हे नसेटखौंबो बोखॉंनो मोनफादों । बे जाथायाव लोब्बा थानाय सानै सुबुंफोरखौं कक्राझार जिल्लानि गसाइगाव महकुमानि सिडव थानाय 1 नं जयमा गामिनि थागिवि नरेन रायनि फिसाज्ला फुल कमल राय आरो गसाइगाव महकुमानि सिडव थानाय 2 नं हाप्तावबारि गामिनि नित्यानन्द राय होन्नानै सिनार्यथिनाय जादों । जाथायनि सायाव पुलिसआ मोनसे केस थिसन्नानै संदानायखौं जागयजेनबाय ।□

टलांनि पानेरिआव बिटिआर गरिया–मरिया फरायसा आफादनि धर्ना

बिटिआर गरिया–मरिया फरायसा आफादआ 2 घन्टा धर्ना होनाय हाबाफारि खुंनायजों लोगोसे बे दाबिनि सायाव गांसे गोसोखांलाइखौं गथायो । गुबुन गुबुन हरि–हारिसा सुबुंफोरखौं लानानै दाफुंनाय गरिया–मरिया फरायसा आफादनि धर्ना होनाय हाबाफारिआव माखासे हेफाजाबगिरिफोरबो बाहागो लादोंमोन । बे धर्नानि गेजेरजों बिटिआर गरिया–मरिया फरायसा आफादआ हारिनि दुलाराय जौगानायनि थाखाय आलादा गौथुम दाफुंनायनि दाबियाव 2 घन्टा धर्ना होनाय हाबाफारिखौं खुंनाय जादों होन्नानै खौरां बिजोडव मिबथिहोयो ।□

बारग' गिबि मन्थि तरुन गौैनि देहा हालोदिनि सायाव खौरां लादों गिबि मन्थि सनवालआ

बारग' गिबि मन्थिजों माखासे सम सावरायलायनानै गौैनि देहाखौं थाबैनो मोजाडव फैफिन्नायनि थाखाय आर'ज खालामो । लोगो हमनायनि उनाव गुवाहाटी मेडिकेल कलेज देहा फाहामसालिनि लांगोनायाव थानाय खौरंगिरिफोरजों जानाय मोगा–मोगिआव गिबि मन्थिआ बुडोदि, बारग' गिबि मन्थि तरुन गौैआ गावनि थाखाय बिफा बादि । सासे फिसाज्ला हिसाबै दिने बारग' गिबि मन्थ्रिनि देहा हालोदखौं खौरां लाफेनो फेदोंमोन । देहा फाहामसालिनि गागि फाहामगिरिफोर बिथानि देहा फाहामथाय होनायखौं सोलिहोगासिनो दङ आरो बिथानि देहा हालोदआ दासान्दि थोजासे मोजाडव फैबाय । तरुन गौैआ जों साफ़्रोमनिबो थाखाय सासे गागि राजखान्थिगिरि । सरासन्था सुबुंफोरनि सार्थखौं आबुं खालामनायनि थाखाय बिथानजों जॉनि मावनो गोनॉं गोबां खामानिआ आद्रा दंवावो होन्नानै गिबि मन्थिआ बुंनायजों लोगोसे बारग' गिबि मन्थिआ गुवाहाटी देहा फाहामसालिआव फाहामथाय मोनबाय थानायखौं जोबोद गोजोन्नाय फोरमायदों ।□

चिरांनि काजलगावआव मुवा–बेसादनि बेसेन बांनायनि हेंथायै आमसुआ सोमावसारदों

बायदि रोखोम जेनाजों मोगा–मोगि जानांगसिनो । मुवा–बेसाद आरो मैंग–थाइर्गनि बेसेना थादनाय गैयाजासे बांसिनगासिनो थानायखौं नोजोर लाखिनानै दिने चिरां जिल्ला बेंगिरिनि मावखुलिनि लांगोनायाव बेसेन बारायनायनि हेंथायै दुलाराय आसाम माइन्'रिटि फरायसा आफाद थामहिनबा आमसुआ सरकारनि हेंथायै गोख्रोडै 2 घन्टा सप्त सोमावसारदों । बे सोमावसारनायावनो मैंग–थाइर्गजों लोगोसे आखाइयाव पेटुल थाव आरो फ्लेकार्ड–बेनार बायदि लानानै आसामनि जाग्रा आदार जगाय बिफाननि मन्थि पनिभुषन चौधुरिखौं बायदि–बायदि रावजों स्लगान होनानै ओन्सोलखौं गोमखॉंहोयो । चिरां जिल्ला आमसुनि आफादगिरिआ बे सोमावसारनायनि गेजेरजों खौरंगिरिफोरनि सिगाडव राइज्योयाव मुवा–बेसादफोरनि बेसेन बांोनायखौं दबथायनो थाखाय सरकारआ राहा लानागौं होन्नानै दाबि खालामो । लोगोसे जुदि बेसेन बांनायखौं होबथानायनि राहा लायाब्ला फैबाय थानाय समफोरव सरकारनि हेंथायै गोख्रॉंनिफ़्राय गोख्रॉंसिन सोमावसारलांबाय थागोन होन्नानै फोरमायथियो ।□

ख्रौरबारिबियाबआव इउपिपिएल दोलोनि गिदिर हान्जा सुरनाय

ख्रौरबारि परिषद बियाबनि इउपिपिएल दोलोनि बिजाथि बाबुल बसुमतारिआ बुडोदि, गुबुन गुबुन हरि–हारिसानि हेफाजाब मोन्नानै इउपिपिएल दोलोआ दिनेनि थासारिआव मोनसे गोखॉं दोलो जाबाय आरो फैगौ बिसायख 'थियाव इउपिपिएल दोलोआ गोबां मासि देरखानानै बिटिआरनि खुंथायखौं दखल खालामगोन । फार्सेथिं गेनाखान्थिजों दुर्गैफबनाय बिपिएफ दोलोखौं बोखारनो बिटिआरनि सोलायनो लुब्रैग रइजो–रजाफोर थियारि जाबाय होन्नानै गावनि बिबुंथियाव बुंथियो । हाग्रामा महिलारिनि बिटिसि खुंथाय सामलायनायाव गासै बिफानफोरवनो गेनाखान्थि नुजाथिदों होन्नानै रायखॉंन। बिजाथि बाबुल बसुमतारिआ जबकार्ड थानाय गोरिव सिमनानि सुबुंफोरनि मुलाम्फायारि धोनखौंबो बिपिएफनि गोबां दैदेनगिरि आरो मावफारियाफोर लुथिदों होन्नानै अजद खालामो । बिपिएफ दोलोनि माखासे दैदेनगिरिफोर दासान्दि दोलो नागरनायजों लोगोसे दोलोनि गुलाय–गुजाय जेना सोमजिनायनि जाहोनआव हान्जानि सायाव दासान्दि रइजो–रजाफोर मोनसे गोनो–गोथो सन्देहखौं लानानै सान्नाय फेदों होन्नानै बुडे । बे हान्जा सुरनायाव दिलिप डेका, बापन बसुमतारि, नन्दराम बर', राजेन बर', भुपन चन्द्र बर', अमृत राभा, लथिभ कसारि, मुगासि मोसाहारि, काकलि पाल, थानेस्वर कसारि, कैलाश बर'मोनबायदि इउपिपिएल दोलोनि दैदेनगिरिफोरजों लोगोसे एक्सुनि दैदेनगिरिफोर चन्दिराम बर', धनन्जय रामसियारि, लाचित बसुमतारिमोनहा बाहागो लादोंमोन । ख्रौरबारि बियाबनि गपसासुबा भिसिडिसिनि सिडव थानाय फाखिबारिनिफ़्राय ऑंखारनाय बे हान्जा सुरनाया ओन्सोलनि गुबुन गुबुन गामिफोरखौं गिदिंखन्नानै गगापरायाव जोबहैयो । हान्जा सुरनाया जोबनायनि उनाव फाखिबारि गुदि फरायसालिनि लांगोनायाव मोनसे मेलखौंबो खुंनया जायो ।□

आसामाव कभिडनि सन्देनाय सा ३80 सुबुंफोरनि देहायाव गोदान केस मोनबावदों

राइज्योफोरव बे भाइरासजों सन्देरजानाय सुबुंफोरनि देहायाव मोन्नाय पजिटिभ केसआ बाङइ जानायखौं मिबथिनो मोन्दों । मख 'नो गोनांदि, मोनसे समाव दुलाराय भारत हादरनि गेजेरवनो कभिड–19 जों सुबुंफोरनि देहायाव सन्देरजानाय पजिटिभ केसआ सानसेयावनो ९0 रोजासिम सौहैबायमोन । नाथाय दासान्दि गोखै खामायनायखौं नुनो मोन्दों । बेजों लोगोसे आसाम राइज्योआवबो कभिड–1९ जों सुबुंफोरनि देहायाव सन्देन्नाय केसआ जोबोद गहायाव फेदों । अदेबानि थंनाय 24 घन्टानि गेजेरव आसामाव सा ३8० सुबुंफोरनि देहायाव पजिटिभ केसखौं मोनो हादों । बेजों लोगोसे आसामाव कभिडजों सन्देरजानाय सुबुंफोरनि अन्जिमाया 2,०7,741 सिम जाहैदों । फार्सेथिं थंनाय 24 घन्टानि गेजेरव राइज्योआव कभिडजों सन्देरजानानै फाहामथाय लानाय समाव सा 655 सुबुंफोर मोजां देहानि हालोदआव फैफन्दों । आसामाव दासिम कभिडनि हेंथायै जुजिनानै फाहामथाय लानायनि गेजेरजों 1,९8,6९4 सुबुंफोर मोजां हालोदआव फैफिन्नानै न' फार्से गिदिंलाफिनो हाबाय । अदेबानि दासिम राइज्योआव 8,11० एक्टिभ केस दङ। बिशोर सुबुंफोरखौं दासान्दि राइज्योनि गुबुन देहा फाहामसालिआव फाहामथाय होनाया सोलिगासिनो होन्नानै सुलुडाव फोरमायदों । नाथाय जागयजेन्नायनिफ़्राय लानानै दासिम आसामाव सा ९३4 सुबुंफोर कभिडजों सन्देरजानानै जिउ गोमादों ।□

बेसेन बांनायनि हेंथायै आमसुनि 2 घन्टा धर्ना

हेंथायै सोमावसारागसिनो थानाय बादिनो दिनेबो कक्राझार जिल्लानि जिल्ला बेंगिरिनि मावखुलिनि लांगोनायाव दुलाराय आसाम माइन्'रिटि फरायसा आफादया 2 घन्टा सप्त धर्ना हाबाफारि बान्जायदों । दिनेनि बे हाबाफारियाव आमसुनि 1०0 नि बांसिन सोद्रोमा आरो ओन्सोलनि राइजो–राजाफोर। बाहागो लानानै आखाइयाव आलु, सामब्राम, एलपिजि सेलेन्डारजों लोगोसे बेनार, फ्लेकार्ड लानानै सरकारनि हेंथायै गोख्रोडै गारां दिखाडे । बे सोमावसारनायनि गेजेरजॉनो फरायसा आफादया सरासन्ध। राइजो–राजाफोरनि रेहाय आरो मुलाम्फानि थाखाय असेन बांनायखौं होबथानाय आरो खमामयनायनि राहा लानो थाखाय सरकारनि खाथियाव दाबि दैखाडे । लोगोसे राइज्योयाव बेसेन बांनायनि सायाव गहामै नायबिजरनानै माबा मोनसे राहा लानायनि मिजिंजों फरायसा आफादया कक्राझार जिल्ला बेंगिरिनि जौहै गिबि मन्थि सर्बानन्द सनवालनििसिम गांसे गोसोखॉं बिलाइ दैथायहरो ।□

अरांआव गिथावना लामानि जाब्रथायाव साथाम सुबुं जोखोम


नुजाथिदोंमोन । अदेबानि बे जाथायाव गोब्राबै जोखोम जादों साथाम सुबुंफोर । जोखोम जानाय सुबुंफोरखौं मोजां फाहामथाय होनायनि थाखाय तेजपुर मेडिकेल कलेजसिम लांनाय जायो । जाथायनि बागै मिबथिनो मोन्नाय बादिब्बा, गुवाहाटीनिफ़्राय तेजपुर फार्से गोखै फैबाय थानाय एएस 01 केसि 24३9 आरो एएस 12 एसि 8३21 गंनै गारिनि गेजेरव बे सौप्रावनाय जाथाया नुजाथिदोंमोन । दासिम बे जाथायाव सोरनि गोरोन्थि जादों बेनि सायाव गुबै बाभ्राखौं मिबथिनो हानाय जायाखै ।□

गुबुन सासेबाव खौरांगिरिया कभिड–1९ जों जिउ खहा जानायखौं जे एफ एआ दुखु फोरमायदों

गुवाहाटटी, 5 नभेम्बर : खौरांगिरि महरै खामानि मावग्रा जार्नलिस्ट फ़राय आसाम सुंदयै प्रबिर कुमार प्रधानआ कभिड–1९ नि फाहामथाय लाबाय थानाय समाव देहा फाहामसालियाव जोबथा हां सासेबाव खौरांगिरिनि रुंसारि जानायखौं गोथौयै दुखु मोन्नाय मुंनि मोनसे निउज सेनेलआव बिजोडव फोरमायनाय बादिब्बा भुबनेश्वरनि फसंथान मोनसे खौरां बिजों टिभि सेनेलआव खौरां बिजों टिभि सेनेलआव उनाव प्रधानखौं देहा जाबाय।□

उर्वशी रौतेलाया क्लियपेट्रानि आखुआव फाव खालामदौं

गोदान दिल्ली, 5 नभेम्बर: फावखुं गि उर्वशी रौतेलाया अरायसमनिक्रायनो सासे फेशन आइकननि महरै मुंदांखा। बावैसो समाव फावखुं गिआ आरब फेशन वीकआव श्वस्टर जानो हानाय गिबि भारतीय सावथुननि फावखुं गि जादौं, जाय सावथुन मुलुग आरो फुरा हादतनि थाखाय गौरबनि बाध्रा जादौं। उर्वशी रौतेलाया बावैसो समाव इजिप्टनि मुंदांखा रानी क्लियपेट्रानि आखुआव माखासे सावगारिफोरखौ शोयार खालामदौं, बे सावगारिफोर उर्वशीखौ गोबां समायना नुनो मोन्दौं। बे सावगारियाव उर्वशीखौ थारै नो क्लियपेट्रा बायदि नुनो मोन्दौं। उर्वशी



रौतेलाखौ फेशन डिजाइनर फर्न आमेटी सुंद' सावथुनआव फीचार खालामनाय जादौंमोन, जायनि सल'आ नस्लबाद, समानथि आरो खौसेथिनि

एकतानि सायाव बिथा खालामनायमोन। बे सावथुनखौ आरब फेशन वीकआवनो रिलीस खालामनाय जाखंबाय, जेराव उर्वशी रौतेलाखौ,

इजिप्टनि रानी क्लियपेट्रानि फावआव नुनो मोन्दौं। क्लियपेट्रानि बे आउटफिटनि बेसेना 5 मिलियन इउएस डलार, जायखौ भारतनि रंखाथियाव सोलायोब्ला बेनि बेसेना गासै 37 कौटि रं जायो। बे इउसिन सोमोन्दै बाध्रा सावरायनानै युजेन गृपनि गायसनगिरि आरो सीइअ जश युजेनआ बुंदौं बेयो जौंनि थाखाय सम्माननि बाध्रादि, भारतनि बयनिखुइ गोखौंसिन आइजो आरो भारतनिक्राय जौंनि गिबि स्टार, जाय दुबाइनि HOMETOWN लाकजारि दावबायनय आरो फेशन मेगजीन

EXPEDITION MAGAZINE नि कभार जादौं। बनि आउटफिटखौ गुन गोनां सनाजौं बानायदौं। जायनि गासै बेसेना 5 मिलियन इउएस डलार आरो बेयो सासे सुपारस्टारनि थाखाय फिट जादौं। मख'नो गोनांदि, वार्क फ्रन्टनि बाध्राखौ बुडोब्ला उर्वशी रौतेलाखौ जोबथा खेब मोनसे कमैडि-ड्रामा सावथुनआव नुनो मोन्दौंमोन, जायनि मुडा वाजिन भानुषि या। आथिखालआव उर्वशीआ गावनि रिलीस जानो गोनां तेलेगु सावथुन ब्लेक रज'नि शुटिआव नांथावनानै दड।

गडजिलाया दिनैनि सानावनो जोनोम जादौंमोन



गोदान दिल्ली, 5 नभेम्बर : 1954 आव जापानआव बानायनाय 90 मिनिटनि मन्सटार सावथुनआ मोनसे समआव मुलुगनि बयनिखुइबो देरसिन फेन्साइसी सावथुन जादौंमोन आरो बेयो 3 नभेम्बरआव रिलिज जादौंमोन। बे सावथुनखौ नायगिरिफोरा गोबां मोजां मोन्दौं। बेयो बै समनि बाध्रा जेब्ला मुलुगनाडै निउक्लियार हाथियारनि बाध्राया सोलिदौंमोन। सेकेन्ड वर्ल्ड वारआव जापानआ बेनि ख'हा जानायजौं भुगिनादौंमोन। बेनि सल'आ बेनोमोनदि, सुबुंफोरनि बम, निउक्लियार हाथियार बानायनाय आरो आन्जाद नायनायाव मिथिंगाया गोबां रागा जादौंदि, बेयो सुबुंफोरजौं खिथेर लानो थाखाय मोनसे मन्सटारखौ फसंदौं। मख'नो गोनांदि, गडजिलानि गेजेरजौं जापानआ अमेरिकाखौ लाजिफोनादौंमोन। बे सावथुनि सल'आव अ'ड' द्वीपनि

खाथियाव जापाननि दावहा नांग्रा जाहाजआ सिलिंखार जायो। बे मोनथिनो मोनै द्वीपआव गोमोथाव जाथाया जायो। लैथोमा सिनिक्राय गिखंथाव मन्सटारआ गाग्लोबो। बे सावथुनआव स्पेशल एफे कट सखौ गोबां बाहायदौंमोन। अमेरिकायाव बै सावथुनखौ गोरलैथै नो लानाय जादौं। जापानआव बे सावथुननि मोनथायआ त'ह'नाव दडमोन। गिनीज बुक अफ रेकर्ड आव बे सावथुना बयनिखुइबो गोलाविसन सोलिबोनाया सावथुन फ्रेन्साइसीनि रेकर्डआव थिसन जादौं। 1954 नि उनाव दासिमआव गडजिलानि सायाव 36 सावथुनफोरा बानाय जाखंबाय। बेफोरनि गेजेराव 32 सावथुनफोरखौ त'ह'आव बानायदौं। फोरमायनाय बायदिब्ला गडजिलाखौ जापानआव गजिरा बुंनय जायोमोन।

बन्दी आरो बबलीनि फावखुं गि शर्बरीआ एक्टनि अनगायै कीबर्ड दामनो मोजां मोनो

मुम्बाइ, 5 नभेम्बर : यशराज फिल्मसनि इन्टारनेटार 'बन्दी आरो बबली 2' आव हिरे इनि महरै लन्स खालामजानो गोनां शर्बरीआ सासे माल्टि-टेलेनेटेड आर्टिस्ट नायगिरिफोरा गिदिरि पर्दायाव बे समायना फावखुं गिनि एक्टि खौ नायनो नेनायजौं लोगोसे बनि पियान दामनायाव आखा-फाखा जानायखौबो नायनो गोसो जादौं। बेनि सोमोन्दै बाध्रा सावरायनानै शर्बरीआ फोरमायदौंदि, जेब्ला आं उन्दै गथ'मोन, अब्लानिक्रायनो मिउजिकआ आनि सायाव गोबां गोहोम गोगलैथोमोन। गाव दैखोखौ खोनासंनो गोबां मोजां मोनोमोन। गावनि न' खथायाव जिरायनानै गाव गोजाम केसेटखौ दामबाय थायोमोन। बेनि उनाव गाव सिडि दामदौं आरो गंसे एमपि 3 प्लेयार लादौंमोन। जेब्ला गाव 10 बोसोर बैसोनिमोन अब्ला गावखौ बिमाया थारै नो गंसे कीबर्ड गोनां क्लासआ थिसनहैदौं आरो गाव दिनैसिमबो कीबर्ड सोलौंनयखौ बन्द खालामाखौ। लाइमोन फावखुं गिआ बुंबावदौंदि, गाव बे क्लासखौ 8-9 बोसोरसिम एटेन्ट खालामदौं, नाथाय दिनैसिमबो थासारिया



ओरै बायदि जायोदि गाव जेरावखि थाडामानो गावनि मोजां मोनाय जायखि जाया दैखो एबा मिउजिकखौ खोनायोब्ला बेयो गावनि गोसोआव थायो आरो थाबै नो न'आव

थांफिनानै कीबर्डआव दामनो नाजायो। लोगोसे नो बे मिउजिक आव गावनि सुरखौबो सरजाबना लाफायो। कीबर्ड दामनानै गाव गोबां गोजोनयखौ मोनो।

सुंद सल'

भुवन सिं ब्रह्म

आनि दायरीनिफ्राय दान्दिसे 'फिरफिला'

नौंखौ अरायसम अन्नाय मेगनजौं गोर्बोआव जोजबना लादौंमोन स'ना ? अ... नाथाय नौं थानाय सिगां आनि सायाव माबाफोर दाय गोरौन्थि मोनदौंब्ला आंखौ निमाहा हो। आं ग'साइनि सेराव हाथ्यु खरायना आरज गावदौंमोन बेसेबा सम। आलारि बाथियाबो मानोबा सोब गोमोर लादौंमोन। आफा आनान ग'साइयाबो आनि गावखानाय आरजखौ खोनासंआखिसै। आनि आरजआबो फेल्लै जानाबाय। बनि अखा नाथै आं मा खालामगोन मा मागोन आरो माजौं हामगोन सानानै जाना थानादौंमोनब्लाबो मुशलपुर हालामसानि लोके ल डाक्टरजौं, अजा बेजाजौं नायजादौंब्लाबो नाथाय हामनायनि मोजां खौरां खौनो मोनाखिसै। सिस्थानि लैथोआव गब'नानै आंखाम जानो हाया, दै लौनो हाया थानाय समावनो आदा-बाजैआ लोमजादौं होना खोनानानै खौरां लाफैदौंमोन। बनि मोनसे बुब्लिआव मे दाननि 13 (2005) ई खालार खालि बाजैआ 20,000 रं होना मुशलपुरनिक्राय बरमासिम गावनि सुमु गारीजौं लांफाना, बरमानिक्राय बडइगावसिम दैथाय हरो। लोगोसे आंबो गाव बुंनय बायदिथै बडइगावनि गंथाम देहा फाहामसालियाव

दोनहैनाय जादौंमोन। नाथाय बेवबो आं फेल्लै जानाबाय। मानोना डाक्टरनि रिपर्ट बादिब्ला बनि बेरामा निम'निया, मेलेरिया, टायफयेट, जन्दीस, गेट्टिक, गोल ब्लाडार जादौं। बेफोर गोबां बेरामखौ फाहामनो एबा सिकित्सा खालामनो गोब्राव होना डाक्टरनिक्राय मिथिना मोनो आं सोमो नादौंमोन। थारै नो आं गांखं बायनाय दाड बायदि जाना थानादौंमोन। जेनिबो राहा मोनाखैमोन। 23 सेप्टेम्बर खालि (2005) डाक्टरनि बोसोन बिबुंथि लाना गावनि बिदा-गुमै मोनहा फैना आंखौ बुंनयसै - बैनाय...। नौं जिगा दासिबाय थारै " फिरफिलानि बेरामा दा हामनायनि जेबो राहा गैला। नौंहा दा रं रुफानि जोबोत खहा जाबाय। थेवब्लाबो माथो हामनो रंदा। बेनिखायनो दिनैनि दिनानवो चिभिल हस्पिटालनिक्राय काजलगाव गामिसिम, जौंहानाव लांनयनि लाहार फाहार खालामदो। गामियावनो हाग्रानि बेन्दौं बेनला खानानै फारी दाउन रिसि जाहोदिनि। अ... डाक्टराबो बे फंसै बाध्राखौनो गले गले बुंदौंमोन। आं दसे सम सानहावनो गोनां जादौंमोन। डाक्टर आरो गुमैनि खोथा-बाध्राफोरखौ दाजावनानै। दसे उनाव हस्पिटालनि

लांगोनायाव थानाय माखासे टेक्स गारीनि सेराव थाना टेक्स रादायना बेलासिनि 3.45 रिं गायना बेमारिखौ टेक्स गारीयाव खुनु रोखोमै दैखाना गुमै सिगेन मोननाव दोनहैनाय जादौंमोन। गारी सायाव बायदिसिना सिन्थाजौं आं थोर-थोर बोर- बोर मोनखदौंमोन। अ...आं बेमारिनि सेराव जिरायना बायदि सौंफलादौंमोन। नौं मानो बिब्दि जामार लांखो ? नौंनि देहा सोलेरा हाडा बेगेल' थारसै। माबोरै बिब्दि जालांखो ? आं डाक्टर बुंनय बेरामनि बाध्राफोरखौ दोनखोमाना मोदैन बाना बेहैबोनायखौ हुगारना आं लासै नो आरोबाव सौंखोमा बावदौंमोन। फिरफिला - आं मा रावजौं नौंनो सुखु दुखुनि बाध्रा फोरमायना जोजोगलाय होनो हाबावनो ? नाथाय आं मोनसे बाध्रा सौंनो सानबावदौं - " नौं नौंनि नौंसाज्ला बोरजोथिखौ गोसो खडो ना खंआ ? " बियो फिन होदौंमोन - आं आनि देहा सोलेरनि बेरामखौ लाना चिन्थानि लैथोआव गब'ना डिगा गैयै बायदि जाना दं। आं माबोरै गोसो खानो हानो ? बियो गावनाय मोदैखौ हुगारना दसे स्रियै थाहाबदौंमोन। दसे उनाव जौं भाडा लानाय टेक्स गारीआ माब्लादि गुमैनि न' सौंफैखो

आं दसे सम गोमो हाबदौंमोन। 2005 ई माथयाइ 23 सेप्टेम्बर -शनिबार बेलासि समाव। साना लासै लासै सोनाब अखांआव दान्दिसे जारौ गाव लाना बिदायनि लामाजौं आगान सुरबोबायमोन। समायना मिथिंगानि महराबो लासै लासै आनि मेगन रुबैयाव सोमखे निफ्राय सोमखे जाबदौंमोन। आनि देहा-सोलोराबो मॅरिलनानै लोर्बानिक्राय लोर्बा जाबदौंसै। खोमसिया माब्लाबानो आनि मेगन रुबैयाव सारिगिदिं साग्लोब फैबाय। साग्रमा फ्राबो आनि सेर सेर फिल-फलां बिरबोना माबा खौरां होफैदौंमोन नामा !! सैमा माउजिफ्राबो आनि सेर सेर फेना मोनाम सुनानै माबाफोर फोरमायदौंमोन नामा !! जानो हागौ खौ फोटखौ मिथिना बिसोरो आंखौ रायदावना बोर होफैदौं। 23 सेप्टेम्बर 2005 शनिबार खालि बेमारि फिरफिलाखौ गुमै सिगेन मोननाव सोनाबनि न' फिसानि ख'थायाव दोनय जादौंमोन। अ...बेसारा ! थैनायजौं समान जाथारबाय। आं खेबसे रायदावना हौनो होना लासै नो हाबहैबावदौंमोन। अब्ला बियो हांथिफुं-थिफुं जाबायमोन। हां लानो बारा हालामोन। थेवब्लाबो अन्नानै आं खेबसे रायदाव बायदौंमोन - " फिरफिला - नौं बायदि बायदि मोनाम नायनि थाखै गामिनि (7 बिलाइआव)

पुनम पान्डेनि हेंथायै गवायाव केस थिसन्दौं

गोदान दिल्ली, 5 नभेम्बर : फावखुं गि पुनम पान्डेआ बे समाव गवायाव समखौ हगारहरदौं। बेनि गेजेराव फावखुं गिया गावनि मोनसे भिडिय सुटिखौ लानानै गोबां खौराडव थाबाय थारदौं। गवानि केनाकना पुलिस स्टेसनआव सासे सिनाय मोनै सुबुनि हेंथायै एफआइआर थिसन्दौं। बे सुबुंआ बलिउड फावखुं गि पुनम पान्डेनि अस्लील भिडिय सुट खालामदौंमोन, जायनि उनाव पुलिस स्टेसनआव बनि हेंथायै केस थिसनाय जादौं। पुनम पान्डेआ चापली डेमआव मोनसे अस्लील भिडिय सुट खालामदौंमोन। जायनि उनाव आइजो विंआ पुनमनि हेंथायैबो एक्सन लादौं। सिनायमोनै सुबुनि हेंथायै केस थिसनायनि उनाव गवा फरवर्ड पारटिनि



आइजो विंआ पुनम पान्डेनि हेंथायैबो केस थिसन्दौं। मख'नो गोनांदि, माखासे सान सिगां पुनम पान्डे आ गवायावनो सेम बम्बेजौं लोगोसे जुलिबो जादौंमोन आरो माखासे साननि उनाव बियो समनि हेंथायै

बुलायालयनायनि दाय जाबसिन्दौं। पुनमनि केस थिसनयानि उनाव सेम बम्बेखौ जिम्मायाव लादौंमोन। मख'जाथावदि पुनमआ गावनि जुलिन सावगारिफोरखौ ससियेल मिडियाआव सेयार खालामदौंमोन।

आमेरिकानि बिसायख 'थिखौ लानानै जार्मानी ट्राम्प आरो बाइडेननि हेफाजाबगिरिफोरा लामायाव ओंखार बोनानै धर्ना होदों

वासिंटन, 5 नभेम्बर : आमेरिकानि हादतगिरि बिसायख 'थिनि थाखाय भट सान्नाया सोल्लिगासिनो दं आरो आथिखालाव डेम्क्रेटिकनि बिजाथि जइ बाइडेनआ गोबां आवगय लानो हादों आरो हादतगिरि डनाल्ड ट्राम्पआ गोबां उन जालादों। बेनि गेजेराव भटनि फिथायखौ लानानै मुलुगनाडेनि दैदेनगिरिफोरा बिबुंथि होनायनिफ्राय जानगाराव थादों। नाथाय माखासे हादतगिरिफोरा हादतगिरिफोरा गवसोरनि फिन जाथायखौ होदों। जार्मनि रैखाथि मन्थि आने क्राप्प करेनबाउरआ आमेरिकानि हादतगिरि डनाल्ड ट्राम्पनि दाबि दैखानायखौ बोखारना होदों। जेराव बियो बुंदोंमोनदि,



गिबियावनो आमेरिकानि हादतगिरि बिसायख 'थि 2020 खौ देरहाखांबाय। ट्राम्पनि दाबि दैखानायनि सायाव करेनबाउरआ बुंदों बेबादिया गोबां जेना गोनां आरो आमेरिकायाव संबिजित खौफोदयाव गोलैनायनि जाहोन जानो हागौ। बेयो रोखा महरै गावसोरखौ जिगा सिंहोगोन।

आमेरिकाया माखासे बोसोरनिफ्रायनो इउर 'पियान राइज्योफोरनि थाखाय मोजां हे फाजाबगिरि जायाखै। आमेरिकानि महाद्वीपआ इउर 'पियाननिफ्राय आलादा जादों। भटनि फिथायखौ फोसावनायनि उनाव जइ बाइडेन एबा डनाल्ड ट्राम्पखौ सायख 'ब्लाबो सरासनसा थासारिया जेबो सोलायनाय नडा। ब्राजिलनि हादतगिरि जेय बल्सनारआ आमेरिका बिसायख 'थिनि देरहागिरिनि सायाव बिबुंथि होनायनिफ्राय जानगाराव थादों। नाथाय बियो डनाल्ड ट्राम्पनि थाखाय गावनि हेफाजाब होनायखौ मख 'दों आरो बुंदों। जइ बाइडेनआ सायख' जायोब्ला एमेजननि हाग्रा बारिखौ रैखाथि खालामनाय बादि आयदानि सायाव आखाय होगोन।

वासिंटन, 5 नभेम्बर : आमेरिकानि हादतगिरि बिसायख 'थियाव डनाल्ड ट्राम्प आरो बिन बादायारि जइ बाइडेननि हेफाजाबगिरिफोरा लामायाव ओंखार बोदों। बाइडेननि हेफाजाबगिरिया निउर्यकयाव रेलि खालामदों। बे समाव बिसोरो मोनफ्रामबो भटखौ सानो दाबि दैखानों। मख 'नो गोनॉदि, बिस्कान्सिन आरो मिशिगाननि फिथायनि सायाव गोजोन्याय मोनायखौ फोरमायनानै जइ बाइडेनआ बुंदोंमोनदि साफ्रामबो भट होग्राफोरनि भटखौ सानागौमानि बिसायख 'थिया जेबनाय नडा। बेनि उनाव बिन हेफाजाबगिरिफोरा लामायाव ओंखार बानानै बेबादिनो दाबि दैखानों। गुबुन फार्सिंथिजाय रिपब्लिकान बिजाथि डनाल्ड ट्राम्पनि हेफाजाबगिरिआ



दासिमाव बिसायख 'थिनि फोसावनायखौ लानानै रागा जोदों आरो बियो गेना खाथि खालामनायनि दाय जाबसिन्दों। डेट्रायटयाव हादतगिरिनि हेफाजाबगिरिआ हेंथा धर्ना होदों। धर्ना होग्राफोरा बुंदों मिशिगानयाव भट थुनायाव जेना सोमजिदों। बेनि

थाखायनो भट सान्नायखौ होबथा नांगौ। दासिमानि फिथायाव बाइडेनआ गोबां आवगय लांगसिनो दं। बियो 264 इलेक्टरेल 'भटखौ मोनो हाबाय। करना इनफेक्सननि जाहोनाव आमेरिकायाव बे खेबयाव 10 कौटि सुबुंफोरा पस्टनि गेजेरजों भट थुदों। भट

सान्नाय समाव पस्टनि गेजेरजों दैथाय-हरनाय भट लाइखौ बयनिखुइबो जोबथासिमाव सान्नाय जायो। आमेरिकानि हादतगिरि डनाल्ड ट्राम्पआ 214 इलेक्टरेल भटखौ मोनो हादों, जइ बाइडेननि अन्जिमनिफ्राय गोबां उनाव दं।

माखासे हादतफोरा करना भेक्सिनखौ मोनो थाखाय उसु-खुथु जादों

गोदान दिल्ली, 5 नभेम्बर : मुलुगनाडेगासिबो सुबुंफोरा बे समाव करना भेक्सिनखौ नोजेरो होदों। रुसआ करनानि भेक्सिन बानायनायनि दाबि दैखानों। नाथाय मुलुगनाडेनि फाहामगिरि जर 'खाफोरा बे बाथ्राखौ फुरायै गनायना लायाखै। अक्सफर्ड इडनिभासिंतिनि प्रफेसार आरो डाल्बिलउ एड्चअनि रिचाड' पेट 'याबो बे बाथ्रानि फार्सें सांग्राथि होदोंमोनदि भेक्सिननि बादाय लायनायाव गोहोम गैये भेक्सिनखौ दिहुनब्ला गहाम जानाय नडा। मानोना बे भेक्सिनखौ थुजा खानायनि उनाव सुबुंफोरा गावसोरनाव भाइरासनि गैये बादि सान्ना लागोन। बेबादि जामारोब्ला इनफेक्सनआ बांसिन गोसार बावनो हागौ। बेबादियाव जों गोहोम गोनां भेक्सिनखौ दिहुन नांगोन। इप्सस मरिआ माबे हादतनि सुबुंफोरा भेक्सिनखौ बांसिन गोसो होनानै नेनानै दं, बे बाथ्रानि सायाव साभें खालामदों।



साभें खालामनायाव रोखा मोनथिनो मोन्दोदि चीनयाव 97 जौखोन्दो सुबुंफोरा भेक्सिन थुजायायखौ लानानै उसु-खुथु जादों, जेराव ब्राजिलयाव 88 जौखोन्दो सुबुंफोरा उसु-खुथु जादों। भारतयाव 87 जौखोन्दो सुबुंफोरा भेक्सिन थुजायायखौ लानानै उसु-खुथु जादों। रुसनि स्पुतनिक भेक्सिनखौ थुजानो 54 जौखोन्दो सुबुंफोरा उसु-खुथु जादों। फ्रान्सयावबो 59 जौखोन्दो सुबुंफोरा भेक्सिन थुजायायखौ लानानै उसु-खुथु जादों। अक्सफर्ड इडनिभासिंति आरो फार्मा कम्पानि एस्ट्रजेनेकाआ खौसे जानानै भेक्सिन बानायदों। बे भेक्सिनखौ माखासे हादतफोराव थाथमथि खोलोबनि आन्जाद नायनाय जादों। भारतआव बे भेक्सिनखौ सीरम इन्स्टिटुट अफ इन्डियायनि गेजेरजों मोनो हागोन। डाल्बिलउ एड्चअनि बादिब्ला चीनयाव मोन 5 करना भेक्सिनखौ 3 थि खोलोबनि आन्जाद नायनाय जादों।

गोदान दिल्ली, 5 नभेम्बर: आमेरिकानि जानो गोनां हादतगिरिआ सोर जागोन, बेखौ लानानै बयनिबो गोसोयाव सोथि सिखादों। बे सोनाया बृहस्पतिवार खालिबो जोबनो हागौ आरो आइनि सोलो गेलेनायाव थाबथानानै थाययनि जाहोनाव बेयो गोबाव समबो नांनो हागौ। नाथाय भारत आरो आमेरिकानि सोमोन्दोनि फारसे इयुनखौ लानानै जेबो गिनांगौ गैया। मानोना हादतगिरि ट्राम्पआ खुंथाइयाव थाबाबो एबा डेम्क्रेटिक पार्टिनि बाइडेनआ हादतगिरिनि मासिखौ सामलायब्लाबो भारतजों लोगोसे सोमोन्दोआ गोथीसिनसो जासिगोन। मानोना थांनाय दानाव दरनै हादतनि गेजेरज जायान टुप्लास टु सावरायनायाव फेगौ माखासे बोसोरनि सोमोन्दोनि फारसे एजेन्डा बानायखांबाय। अदेबानि सोलोखाथिनि बिथिनि खौरंजों



लोगोसे गुबुन हादतआरि बिफाननि बिबानगिरिआ बे बाथ्रानि सायाव हेफाजाब होयोदि, आमेरिकानि बिसायख 'थियाय फिथाइजों दरनै हादतनि सोमोन्दोनि सायाव जेबो गोहोम गोलैनाय नडा। सान्जा लादाखआव

चीनि हाबफै खोमानायनि उनाव हिन्दु प्रशान्त ओन्सोलखौ लानानै भारतनि नोजेरो होनाया आबुडै सोलायबाय। ट्राम्प

खुंथाइआ गावनि गिबि खुंथाय खुंथाय समाव हिन्दु प्रशान्त ओन्सोलखौ गावनि मुलुगयारि सोलोखाथिनि बयनिखुइ देरसिन मुंदांखा बाहागो खालामो। फेगौ खुंथाइयाव ट्राम्प फेयो ना बाइडेन फेयो बे ओन्सोलाव आमेरिकानि गोसारनाया बारायगोन। टुप्लास टु सावरायनायनि उनाव सुलुजा फोरमायनाय बायदिब्ला, भारत आरो आमेरिकानि राजखाथिथियारि सोमोन्दोआ जाय आयदाफोरनि गेजेरजों आवगायलांगोन बेयाव हिन्दु प्रशान्त लैथोमाया बयनिखुइ सिगाडाव थागोन।

बांग्लादेशयाव एसेल' सुबुं हारिनि फसंथानया हेंथा धर्ना होगोन

बांग्लादेशयाव एसेल' सुबुं हारिनि फसंथानया हेंथा धर्ना होगोन

ढाका, 5 नभेम्बर: बांग्लादेश हिन्दु बाँध खूप्पान ओइक्या परिषद (बिएचबिसिइउसि) आ हादतआव एसेल' सुबुं अन्जिमफोरनि सायाव हिंसा जानायखौ हेंथा होनायाव शनिबाराव हादतनाडे रेलिफोर खालामनो आरो धर्ना होनो बाथ्रा फोसावदों। बे बाथ्रानि खौरंखौ सासे गागि बिबानगिरिआ फोरमायदों। बे बोसोराव कभिड-19 इनफेक्सननि समाव हारियारि दाड बाजि जानायाव एसेल' हारिनि सा 17 सुबुंफोरा थेंदों। बिएचबिसिइउसिनि गहाय सेक्रेटारि आइएएनएसआ फोरमायदों एसेल' हारिनि सुबुंफोरनि हेंथायै इनाय अनागार



खालामनायखौ थाबैनो होबथा नांगौ। बांग्लादेशनि बे गोहोजों हारियारि इनाय अनागारि। बे जानायनि हेंथायै खौसे जानायनि अनगायै जेबो थांखि गैया। रेलिफोर खालामनाय आरो धर्ना होनायनि हाबाफारिया फुनि 10

रिगानिफ्राय हरनि 12 रिगसिम जागोन। ढाकानि शाहबागआव हेंथा धर्ना होनाय जागोन। बे बोसोराव एसेल' सुबुंफोरनि हेंथायै हिंसायारि जाथाय जादों। सा 17 सुबुंफोरा थैनायनि अनगायै सा 10 सुबुंफोरखौ

बुथारनो नाजानाय जादों आरो सा 11 सुबुंफोरा बुथार जानो हुमखि मोन्दों। बेनि अनगायै एसेल' हारिनि आइजोफोरखौ जिनाहारि खालामनाय आरो खानानै लांनानयनि माखासे जाथाय जादों।

सा करियाआ स्रोदयै पानडुब्बि बानायदों: खोला करिया

प्योगयोंग, 5 नभेम्बर: खोला करिया एमपिआ दाबि दैखानोंदि, सा-करियाआ गंनै गोदान पानडुब्बिफोर बानायदों। बेनि गेजेराव गंसेया बेलिस्टिक गुन्द्रासाखौ गावहरनो हायो। बियो माहारियारि संगालि एजेन्सिजों लोगोसे बन्द' जानाय दरजानि न' सिखाव बाथ्रा सावरायनायनि उनाव बेबादि दाबि दैखानों। सा-करियानायाव पानडुब्बिफोरनि मोनसे गिदरि हान्जा दं। पार्लियामेन्टनि इन्टेलिजेन्स कमेटियाव बेरेखा



पार्टिनि एमपि हा-टे-कुंगा बन्दों सा-करियाआ जाय पानडुब्बिफोरखौ बानायदों, बेनि गेजेराव गंसेआ साबमेरिन लन्व

2019 आव स्टेट मिडियाआ किमनो गंसे गिदरि, गोदान बानायनाय पानडुब्बिखौ दिन्थिदोंमोन। थांनाय दाननि सान्थि पेरेंडनि समावबो गंसे गोदान एसएलबिएम डिजाइनखौ दिन्थिनाय जादोंमोन। एमपिआ फोरमाय बावदों किमआ बै सा-करियायनि सान्थि फोरखौ नायबिजिनो बिथोन होदोंमोन, जाय खोला करियायि फिशरीज अफिसारखौ गुलि गावानानै बुथारदोंमोन।

जानो लोंनो हाया जादोंमोन। बेसेबांबा सान हर उन्दुलानो हायाखैमोन। बेमारिजों थाफा थाफा आबार खालामे खालामे बेसे हर, बेसे सान जाबोखो बेफोरखौ उदिस लानो आंहा सम गैया जादोंमोन। बेमारिया माबोरै हामनांगौ बिनिनो ग'साइनाव आरज गावनायाव मुखुबमोन। अ... ओंखाम जानो लोंनो हाया जादोंमोन। मानोना हस्पिटालनि गेसाव गोफोन, गाराय-गुराय बायदि डाक्टर-नाय गसैबो सोमो नांनो गोमो

हाबदोंमोन फिरफिलानि बेरामखौ नायना-नुना। बिसोरबो गावसोरनि सोमोन्दो गोनां बायदिथै गोसो होसार होसार फाहामनो नाजादोंमोन। सोमो नांदोंमोन बिन देहाखौ नायनानै। नाथाय आनान ग'साइनि दैदेनाय-थिन्नायाव थारैनो बियो 2005 सेप्टेम्बरनि 27 बुधवार खालि 6.45 रिगायाव बेलासि समाव आंनि मेगन फारनैफ्राय थारै नो आनज्राय लांगार नायसै। जिउ जोबनाय समाव बियो आंनो

खुगाजों जेबो बुंनो हायाखैमोन ब्लाबो आखायनि आउ-फाउजों आंखौ जावले जावले हामगलाय हरदोंमोन बेसेबा सम। गावनाय मोदैजों आंनो गोबोंनि दुखु दैखो रिखां बोनाय मोदैनि दाहार लानानै जोबथा बिबार बाउहर नायसै। फिरफिला नों थानों! नों आंनि मेगनाव दानदिसनिल' फिरफिला जानानै फेदोंमोन नडासै?? दा आं सम सम नोंखौ थुनलाइजों बोर होबाय थासिगोन दे। नोंनि आत्माया

नेवसिनाने दिदोमै थिरांथा लायो। मानोना बिन गोबोंआव जेब्ला अराय जोंथि आलारि जाखां फेयो अब्ला बियो गावखौनो सॉनाय फेयो - आं मा मावनांगौ, बबेयाव थांनांगौ, आंनि मावनांगौ हाबाया मा? बायदि बायदि... सुबुंआ सुबुंनि थाखे जोनोम जादोंब्ला अब्ला मानोथो गावनि रोंग'थिखौ दखरसे जायगायाव दोनखोमानो? सैथोखौ सानोब्ला गावनि गुबै (उन बिसानाव)

आंनि दायेरीनिफ्राय दान्दिसे 'फिरफिला'

(□ 6 बिलाइनिफ्राय) न' आव दोनफेदोंमोनब्लाबो न'नि ओंखाम दै फोरखौबो मोनामनाय, खारनाय मोनफादोंमोन। आंनि मोखां मोदोम आरो गुस्ति बायदि बायदि बेमारिजों लोगोसे 50% हामफा लांदोंमोन बंडाइगावनि गंथाम देहा फाहाम सालिनि मासि सायाव। अ... बिदिब्ला नों आंनिफ्राय थारैनो आनज्राय

लांसिगोन नामा? थंमार सिगोन नामा? नाथाय नोंखौथ' आं बिदि आस'खान्दा खालामगोन होना सानाखैमोन? बिदिब्ला नोंखौ आं दिने मा राव आरो गाराजों बुजायना होबावनो? नाथाय नोंबोथ' मिथिगौ जोनोम, हाबा, थैनाय - उजिनयाआ आनान ग'सायनि आखाइयावसो होन्ना। अ... नोंबोथ' आंखौ बुजायदोंमोन बे दोसे बाथ्राखौनो गले गले..। नाथाय दिने आं नोंखौ रायदावसानो होन्नासो नोंनिफ्राय जोबथा बिदाय लानो फेदों। दुखुजों मिथिस्ताबै गबोनाय मेगन मोदैखौ हुगार खोमाबाय थादोंमोन आं बेसेबा सम। 25 सेप्टेम्बर (2005) सोमवार खालि आंनि देहा गोसो आरो सोलेरा जेबो

